

王藻亭
刪訂朱玉堂痘疹定論



陸士諤主編

基本醫書集成

朱玉堂手著
王藻亭刪訂

痘

疹

定

論

世界書局印行

中華民國二十六年五月初版



發行所

王葆亭 刪訂 朱玉堂痘疹定論 (全一册)

實價國幣一角五分

(外埠酌加運費匯費)

主編者 陸士諤

發行者 陸高誼

出版者 世界書局
上海大連路

上海及各省 世界書局

序

痘疹原於胎毒。人盡知之。第言胎毒者。有謂成胎後父母慾火不節。及恣食辛熱炙燻。有謂降生之頃。未取口中穢血。不知人生受氣於父。成形於母。胎毒卽隨之。而根於陽施陰受之始。豈待成胎之後。慾火不忌。厚味不微。降生之頃。然其穢血。而後有是耶。又言痘出五臟。疹出六腑。不知胎元初成。先有命門。胎成五月之後。臟腑始有定形。果如所言。則命門所藏之胎毒。既移於臟。而爲痘。復傳六腑。而爲疹。有是理乎。又言惟腎無候。且曰變思於腎。不知五藏互生。缺一不可。痘中之漿。實血所化。血非水不生。既藉腎中之水。以生血。烏可云腎無候。至於變黑。乃毒火燥爍其色。豈腎之咎哉。又言胎毒重。則出痘與疹必逆。不知胎毒有順而無逆。猶人性有善而無惡。人之爲惡。習染所移。痘疹之逆。時令濁氣所變。故種清正之痲。卽爲順症之痘。屢試不爽。疹雖無痲可種。然乘清正之氣。亦趨於順也。予種痘五十餘年。頗悟其理。又得聶久吾造痘疹定論醫書。所固欲補前哲所未詳。辨方書所不言。以爲痘疹全書而未果。康熙二十年。恭奉王翰命。江西撫軍某公。考選種痘醫家。檄委監司某公。遴取。問痘疹始於何時。胎毒藏於何處。種痘自何人立法。痘書以何人爲的。症有虛實寒熱。藥有補瀉溫涼。方有君臣佐使。治有標本後先。時予與陳子添祥倅。叨入選。咨送赴都。明年奉旨於大內。及蒙古各地方種痘。俱獲全愈。足跡所至。南北之水

士強弱。貴賤之氣血虛實。因得備悉。又經見自出之痘。內有變症怪症。更添一番見解。茲蒙皇恩。賜以第宅。授以官爵。年將老朽。無以仰報高厚。爰將心得之言。編輯成帙。付之梨棗。世之覽者。知種痘有一定之法。治痘有萬全之方。或可仰副國家保赤誠求。同登仁壽之至意。倘同志考訂修飾。以補未備。不特予之深願。而所以造福於呱呱之倫者。其功德竟不可思議矣。

康熙癸巳卯月豫章朱純嘏玉堂氏撰

序

嬰兒痘疹。有生不免。實爲要緊一關。上古自岐伯越人下及仲景叔和。鮮有言者。自巫氏顧顥經引其端。後之專門名家者。代不乏人。然著書立說。各是其是。卽河間丹溪。尙有牴牾。况其餘乎。數千年來。唯勝國聶氏活幼心法。簡明詳確。絕無可議。予篋中久有其書。乾隆壬辰。復得朱玉堂痘疹定論。披閱一過。其辨症用藥。悉本於聶。而論胎毒藏命門。實發前人所未發。第集中詞意。瑕瑜互見。竊慮世人因其言而忽其理也。爰爲刪訂。謀付梓氏。凡業是術者。熟讀切識。固可隨手取效。而窮鄉僻壤。一時不得良醫。依症檢方。亦不至有毫釐之差。誠慈幼者所必資也。夫昔之論醫者。非聰明理達不可恃。而痘疹之吉凶禍福。成於反掌。尤非好學深思。未易與言。然則予於是書。其又何敢自多也乎。

乾隆四十年乙未初夏三吾王世潤藻亭謹識

重刻序

痘疹一科。粵自岐黃。遞傳漢代。迄無成書。惟巫氏之經。始引其端。後之專門名家者。歷歷難數。然不免皆執一偏。各是其是。各非其非。雖考究各書。探討衆理。而其間不乏明達捷才者。究不能折衷壹是。幸清康熙軫念元元。誠求保赤。遴選天下。號詔民間。痘疹一症。悉遵聶氏心法。而繼之者。朱玉堂亦本聶氏。著有痘疹定論。其辨症用藥。都無流弊。厥後之嬰兒患痘疹者。得慶安康。雖清廷之關心民瘼。亦皆聶朱二先生之所賜也。今運氣乖舛。異政迭見。痘疹一症。徧布民間。而疹治者。辨症用藥。都無主見。所以患症之嬰兒。實難全活。有覃懷鮑允德先生。藏有痘疹定論一書。爲醫家所本無。坊間所未有。目覩時艱。不忍私爲己有。欲付梓人。公諸同好。亦以體上蒼好生之大德。遏後世誤人之流弊。而鮑先生之厚福。豈可量哉。

民國乙亥年四月浴佛日古彭葛其濱謹識

例言

- 一原本痘疹兼治。故籤題痘疹定論。而各卷內。又刻爲種痘全書。殊未盡一。今不另名。沒作者苦心。仍從舊題。加刪訂二字。
- 一原序千三百餘言。字裏行間。不無可議。或當日信筆而成。無暇求合體裁耶。抑坊間翻刻。任意塗改。未存真面目耶。節勢頗多。非敢妄議前人。正欲傳信後人。
- 一原本前後繁複。門類參差。想書成未暇細校。茲特詳爲汰編。其訛誤缺略之處。或訂或補。總期能諧雅俗。並非好事吹求。
- 一原本諸論。有刪繁就簡者。有全刪不錄者。其中去取。再三斟酌。世有羣人。當必予諒。
- 一論症用方。間參鄙見。然非目所親覩。手所親療者。斷不妄爲撫拾。致一旨引衆旨之誦也。

刪訂痘疹定論目錄

卷一

痘疹原於胎毒	一
胎毒蘊於命門	一
氣血盈虧消長	二
辨虛實寒熱	三
分別諸家調治	四
五臟合一	五
起熱	五
辨別七暈	五
伏陷分別	七
逆症一十三條	八
鼻衄	一〇
吐血便血	一〇
嘔吐	一〇
泄瀉	一〇
腹痛	一一
驚搐	一一

夾班夾丹夾疹	一三
倒陷倒靨	一三
空殼	一四
漏漿	一四
潰爛	一四
五陷	一五
封倉	一六
寒戰咬牙	一六
室女孕婦出痘	一六
卷一	
年長男女出痘	一九
襁褓小兒出痘	一九
痘應四季	一九
痛癢	二〇
紫浮萍	二一
痘疔	二二
賊痘	二二

水泡	二二
口瘡	二三
咽喉疼痛	二三
失聲	二三
嗆水	二三
痘爛生蛆	二四
辨痘形色	二四
痘頂沓瘡	二四
子來救母	二四
解毒疹	二五
痘後毒火攻目	二五
痘後發癰	二六
痘後便膿血	二七
水痘赤痘	二七
紙撚照法	二八
種痘緣由	二九
胎毒不必豫解	三一
種痘要看精神形質	三一

面部報痘八卦方位之圖附歌訣	三三
初發熱至痘出齊數日內治法	三四
痘出齊後起發灌膿數日內治法	三七
漿足回水至結痂還元數日內治法	三九
痘科諸方	四一
用藥炮製	五四
皂刺尖穿山甲	五五
犀角	五五
桑蟲	五六
地龍	五六
痘疹禁忌	五六
卷四	
治疹總論	五九
四方疹名不同	六一
出疹之家四忌	六一
看疹醫家三忌	六一
豫為防避	六二
治疹諸方	六二
附刻聶氏痘症或問六條	六八

14.12.7
2519

刪訂痘疹定論卷一

新建朱玉堂手著 祁陽王藻亭刪訂

痘疹原於胎毒

人當胎元初成。卽胎毒之蘊蓄。富貴貧賤皆有之。然必感觸時令之氣。始發而爲痘爲疹。或於春而不溫和。或於夏而不炎熱。或於秋而不清涼。或於冬而不凜冽。四時之正氣偶乖。兩間之雜氣交攻。夫然後臟腑之邪內侵。命門之毒外透。痘從此而發矣。

胎毒蘊於命門

人之有生。先有命門。猶混沌未分。先有太極。命門人身之太極也。兩腎列於命門之兩旁。是太極生兩儀也。由是肝木。心火。脾土。肺金以漸而生。是命門爲體。而臟腑爲用明矣。人之成形。先長鼻。鼻竅通乎肺。如遇痘疹之氣。鼻聞則傳於肺。肺金傳腎水。腎水傳肝木。肝木傳心火。心火傳脾土。次日脾土復傳肺金。周而復始。五日五夜。將五臟傳遍。至六日而身微熱。七日而熱大作。或問曰。子何以知之如此詳也。答曰。以種痘而知之。自出之痘。無形之氣傳染也。種出之痘。有形之痧引導也。胎毒藏於命門。所藏者。陽施陰受之氣。是以感痘之氣而出痘。感疹之氣而出疹。蓋陰爲痘。而陽爲疹也。故胎毒發而爲痘。則胎毒之靜而陰者盡矣。一發不再發矣。胎毒發而爲疹。則胎毒之動而陽者亦盡矣。一發亦不再發矣。或又問曰。命門

在何處。予應之曰。自脊骨下數二十一節之下。自尾閭尻骨上數七節之上。上下相接之界。命門之所居也。爲一身之主宰。故出痘與疹。而腰不痛者順也。痘疹初發。卽云腰疼。命門傷也。未可以言吉也。尻考平聲者。藥骨盡處也。

氣血盈虧消長

痘瘡全憑氣血以成功。而氣血之盈虧消長。其理苟不能明。必多乖誤。蓋氣體天而親上。血體地而親下。痘之出也。其高起之泡。氣之位也。上也。氣宜充焉。其四圍根脚。血之位也。下也。血宜附焉。泡尖而色白潤。是氣充而居其親上之尊也。四圍暈色紅活。是血附而安其親下之分也。氣血和順。而載毒出外。此最吉之痘。可勿藥而愈。頂陷。則氣反親下。此氣虧而不能充也。法當補氣。四圍根脚無紅暈。此血虧而不能附也。法當補血。而兼補氣。其有通頂紅色成血泡者。是血反親上也。然究非血之獨盈。乃氣虧而失其居尊之常。故血妄行。而僭居氣位也。急宜大補其氣。氣充。則血自不泛溢。而泡轉白矣。世人不識此理。一見泡紅。便認爲血熱。用涼血行血之劑。致令氣愈虧。而斃愈速。不亦悲乎。至於調治之法。氣獨虛者。固宜專補氣。而不宜補血。蓋陽不能從陰。陰愈長。則陽愈消也。其有血虛者。多由元氣不足所致。蓋陰必從陽。陽生則陰長也。黃汝言明醫雜著。乃謂血虛而用參芪以補氣。則陽旺而陰愈消。殆未明於陰陽消長之理。而謬著此言。爲世大害也。予每治產後。出血過多而大熱者。及吐血與崩血不止者。俱用參芪薑附爲主。而佐以血藥與升提藥。皆獲奇效。安在血病而不可補。

氣乎。若痘瘡以胃氣爲主。則補血必先補氣也明矣。

辨虛實寒熱

凡治病必先辨虛實寒熱。望聞問切無非辨此四者而已。四者了然於胸中。則用藥取效。其應如響。四者不能分別。而執成方以用藥。鮮有不誤者。至於痘瘡之虛實寒熱。尤爲緊要。辨之不明。多致敗事。歷代治痘之家。善論立方。於虛實寒熱。多略而不辨。或辨而不明。致令檢方者。漫無下手之處。無怪乎治痘者之多迷途。而慈幼之術疎也。夫痘瘡之虛實寒熱。與諸病之虛實寒熱。其異同固自有辨。諸病有虛者。元氣自虛也。宜補也。痘瘡有表虛。有裏虛。亦元氣自虛也。宜補也。此其同者也。諸病有實者。邪氣實也。可瀉也。痘瘡有表實。有裏實。若元氣完固。而毒氣不能爲害。不可瀉。亦不必瀉也。此其不同者也。諸病有虛之甚者。陰有餘。陽不足。則寒自虛生。宜溫熱之劑補之也。痘瘡有虛之盛者。亦陰有餘。陽不足。而寒自虛生。亦宜溫熱之劑補之也。此其同者也。諸病有寒自外入者。外感是也。在表宜發散之。入裏爲鬱熱。宜清解之。痘出而風寒外襲。宜溫而散之。或外寒入內。而爲吐瀉諸症。亦宜溫之而已。外不可發汗。內不可清解也。諸病有虛熱者。元氣虛。津液竭。補之則熱自除。不必解熱也。痘瘡亦有虛熱者。元氣虛而毒氣肆。當以補元氣爲主。而略兼解毒可也。三者相同。而亦有不同者也。諸病有實熱者。血氣未虧。而邪氣壅盛。單用寒而瀉之可也。痘瘡亦有實熱者。稟賦強。血氣熱。而毒氣亦盛。亦單用清涼解之可也。此又其同

者也。此書自發熱以至還元。辨症立方。極其詳悉。誠能細心審症。依方用藥。庶不至於虛虛而實實。亦不至於以水益寒。而以火益熱也。况痘之虛實寒熱。較之他症。尤顯明而易察。自見點以至結痂。其形色既昭。然可觀更聽其聲音。觀其靜躁。視其飲食之多少。問其二便之利澀。三歲以上者。診其脈之遲數。微洪虛實寒熱。當如黑白之分明。而用藥取效。易易矣。

分別諸家調治

歷代治痘諸家。皆據內經諸痛癢瘡瘍屬心火之一言爲要領。不知痘瘡與諸瘡相隔天淵。諸瘡未成形。可解毒。可內消。已成形。可攻破。既破可生肌。痘不可解毒也。不可內消也。不可攻破也。發熱三日。始見痘苗。放苗之後。又三日而出齊。出齊之後。次第長漿。上由面部。次及身上。次及脚下。務期稠濃充滿。徐徐回水結痂。大約於一十二日之中。收其成功。自發熱造端。看報痘之緩氣。便知痘之疎密。看痘見之部位。便知痘之吉凶。而腫脹之形色。便知痘之虛實。至於起脹灌漿。計時限日。腫齊分別。虛實寒熱。用藥調治。以爲足漿之計。失此不治。萬不成漿。雖有仙丹。不能保其不死。前代劉河間錢仲陽立方。俱以解毒爲主。多用寒涼。少用溫補。張潔古王海藏咸宗之。陳文中力矯其偏。專主溫補。宜於虛寒。又不宜於實熱。至朱丹溪立論。主於解毒和中安表。亦未盡其妙。後如黃西邱著順險逆三圖。順症不必用藥。險症有藥可治。逆症雖勉強用藥。斷不得活。會立逆症三十圖。予生平經見。實有一十三圖。果不可治。其餘一十七症。亦嘗用藥救活。

因止揭逆症十三條於後。他如保赤全書痘科正宗痘疹心要痘疹會編等書。非無一論之是。一方之妙。然皆擇焉不精。語焉不詳。惟聶久吾活幼心法。議論精。辨症確。用藥當。不偏於寒涼。亦不偏於溫補。實集痘疹之大成。雖盧扁復生。不易其言。凡業是科者。能於聶氏之書。講明切究。自然得心應手也。

五藏合一

痘之爲症。始焉一點紅。紅血之色也。血賴氣以生。究其本則水也。水居於腎。腎水充足。則木火土金。漸次生長。而成氣與血焉。雖分屬於心生血。肝藏血。脾統血。藉令腎中水枯。則心何自而生。肝何自而藏。脾何自而統。前之論者。皆曰惟腎無候。且實之以耳冷尻冷。以明腎家無候之證。又曰痘之變黑歸腎。此皆未明五藏合一之理也。

起熱

痘之順逆。不拘拘於稀疎稠密間也。初見苗時。早辰看之。如白菜子大。午間看之。如糜子粒大。夜來看之。則有高梁米大。及至出齊。雖先後不同。細看其起發長大。生機總屬一般。至於長漿。由暈脚而起。漸見泡內漿滿濃稠。稀疎者固稱順症。卽稠密者亦歸於順。欲學痘科者。先明起勢之理。細看起勢之形。其中又有尖圓紅潤。四者之分。若痘不順。烏有此勃然起發之形像哉。糜音門

辨別七暈

痘出而根脚有暈。其名有七。老紅也。紅紫也。紅紫乾枯也。淡紅也。焦紅也。鋪紅也。淡白也。其中順險逆之分。詳列於後。

老紅者。暈色紅而老。不嬌妖。不閃爍。不乍紅乍淡。亦不帶紫。必發熱三日。而始見苗。身體溫和。精神清爽。不甚熱。能飲食。二便調。此順症也。痘出必稀疎。即多有百十粒。亦順症也。

紅紫者。痘暈深紅而帶紫也。必發熱二日。即見痘苗。身必熱。微煩躁。用敗毒和中散。看其痘齊。即用清毒活血湯。催其長漿。漿足亦歸於順。

紅紫乾枯者。發熱一日。即見痘苗。暈脚紫紅。而不潤澤。痘必稠密。必大熱。煩躁昏沉。不省人事。唇焦。口渴。此危症也。若大便燥結。小便短黃。此毒火內盛。急用敗毒和中散。加熟大黃以利之。看其出齊。即以清毒活血湯。催其長漿。如暈紅活。漿漸沉起。此尙可救。若仍乾枯無漿。或身熱煩躁。昏悶譫語。不省人事。不思飲食。痘漸平塌。中有黑臍。不可救矣。占音

淡紅者。暈色四圍淡紅。以紙燃照之。微有紅色。或紅色不定。將來必變淡白。此乃氣血俱虛。若初見痘苗之時。見此淡紅暈脚。寒涼之藥。切不可用。倘或身不退熱。微有煩躁。宜用敗毒和中散。去芩連紫草。加羌活蘇葉白芷以托其苗。俟其出齊。以千金內托散。催其長漿。漿足仍歸於順。若先誤用寒涼。暈轉淡白。急用參歸鹿茸湯。緩則成白陷矣。此淡紅之痘。易變淡白。不可不知。

焦紅者。初見苗時。頂乃先焦。根脚紅紫。有芒角。不滋潤。急用敗毒和中散。

倍芩連紫草茸以托之。如出齊。熱不減。不能食。兼之煩躁昏悶不省人事。則不可救矣。若熱少減。神氣稍清。能食。不甚煩躁。急以清毒活血湯。催其長漿。漿足。仍可歸順。

鋪紅者。痘粒淡白。通身皮肉盡紅。故名鋪紅。良由毒火內盛。氣不能統血。散漫於皮膚之間也。神清能食。痘稀疎者。可治。若人事昏沉。則不可救。淡白者。痘之根脚四圍。無一絲紅色。止見有淡白之痘。而不見其有暈。蓋因氣血兩虛。或久病之餘。或吐瀉之後。或母病缺乳。或內有積患。或生大毒。膿血出多。故有此痘。初見痘苗。宜用加味參蘇飲以托之。俟其出齊。即用千金內托散。催其長漿。如漿不足。再用參歸鹿茸湯以催之。今日不足。來日再催。予曾治此等氣血兩虛之症。竟至一十二日。始滿漿者。慎勿以八九日。漿不滿而平塌。遂委而去之也。

伏陷分別

隱而不出。謂之伏。出而復塌。謂之陷。如遇伏而不出之症。先審察其報痘之的確。或二三顆。或五六顆。或上下手足有十餘顆。此爲出痘之明證。如止有身熱。而無報苗之處。乃雜病。非出痘也。雜病。則以雜病之藥治之。出痘。則以出痘之藥托之。若係伏而不出。用敗毒和中散去芩連紫草茸。加羌活蘇葉白芷煎服。本日即可出三五十粒。來日照前方再服。自然通身俱出。至於出齊。察其虛實寒熱。用藥催漿。倘不明宣托之法。伏者必不得應時而出。勢必鬱遏於內。而殺人矣。

有足下先報痘苗。次於手梢見一二顆。後又於臂上見一二顆。此痘中所罕見。予曾治此症。以用敗毒和中散。去芩連紫草茸。加羌活蘇葉白芷升麻。以宣提之。服一劑。上部即現痘苗。再服一劑。通身俱出。因其淡紅。隨用千金內托散。三日三服。膿漿充滿。而得生矣。因此痘面部不先報苗。亦有伏之之意。故弁言之。醫音

陷乃痘已出齊。頂不高聳而平塌。蓋緣毒盛氣虛。當細看暈脚。辨別七暈之中。屬何暈主之。則虛實寒熱。一目瞭然。實熱者。清毒活血湯。虛熱者。千金內托散。萬一漿不能滿。則倍用參芪。服之又不見滿。急用參歸鹿茸湯。予遇此等症候。先與出痘之家。言明險逆之狀。大劑濃煎。連進疊催。十常救活五六。

逆症一十三條

蒙頭。一也。面部手足身上俱稀疎。獨頭頂以至髮際。形若蠶種。此逆症也。

若稠密有地界。又當別論。

上面。二也。他處俱稀疎。獨面上形若蠶種。無絲毫空處。此逆症也。若稠密有地界。又當別論。

托腮。三也。他處俱稀疎。獨兩腮頰及地角。相連一片。形若蠶種。此逆症也。

若稠密有地界。又當別論。

鎖項。四也。他處俱稀疎。獨項間形若蠶種。無絲毫空處。此逆症也。若稠密有地界。又當別論。

有地界。又當別論。

雲錦鋪胸。五也。他處俱稀疏。獨胸前一處。上連咽喉之下。下及兩乳之間。形若蠶種。此逆症也。若稠密有地界。又當別論。

雲錦鋪肩。六也。他處俱稀疏。獨兩肩及後頸窩。形若蠶種。此逆症也。若稠密有地界。又當別論。

前後補服。七也。他處俱稀疏。獨心窩之下。肚臍之上。背脊鳳翅骨之下。後腰之上。前後如職官補服。或方或圓。形若蠶種。此逆症也。若稠密有地界。又當別論。

斷橋。八也。他處俱稠密。不分地界。獨腰週圍。不見痘粒。此逆症也。若他處有地界。又當別論。

蝦蟇瘟。九也。遍身痘出稠密。不分地界。惟胸腹之間。不見痘粒。有似蝦蟇形狀。此逆症也。若他處稀疏。又當別論。

無根。十也。通身痘俱稠密。不分地界。獨兩手足心無痘。此逆症也。若通身稀疏。又當別論。

枯樹挂蛇。十一也。有單挂。有雙挂。有挂在手肱者。有挂在腿股者。他處俱稀疏。獨挂處。如蛇形而纏繞之。密如蠶種。此逆症也。倘稀疏有地界。又當別論。

玉帶橫腰。十二也。他處俱稀疏。獨腰週圍。稠密如帶。闊不過二寸。此逆症也。倘或稀疏。又當別論。

瓜瓠。十三也。痘初見標。尚未出齊。以及將出齊之際。腮頰面目腫脹。形如

瓜瓠。此逆症也。煩悶昏沉。不省人事。決不可救。瓠音胡

鼻衄。衄女六切音謁鼻出血他本作衄非

鼻衄之症。毒火上衝於肺。以致鼻血流出。毒氣亦隨之以散。宜服清肺飲。將來痘出必稀疏也。

吐血便血

痘初報苗。以及出齊之後。如遇吐血。或大小便下血。俱不可救。初發熱吐血。吐血之後。神氣清爽。所見痘粒。亦尖圓紅潤。此毒氣因吐血而出也。此時不必用藥。姑少待之。

嘔吐

吐有餒氣。或臍以上痛。唇面如常。此停食作吐也。升消平胃散主之。餒音搜嘔吐之後。不思飲食。或食入即吐。其吐多順快而無聲。面青白。唇淡。精神倦怠。此胃弱而有寒也。宜用參砂和胃散。

起漿灌漿時。吐而酸苦有聲。吐訖。反爽快者。毒火上越也。梔連二陳湯主之。

起漿灌漿時。吐而有物無聲。不酸不苦。吐訖。困倦不思飲食者。胃氣弱也。參砂和胃散主之。

痘後嘔吐。不思吃乳食粥。此虛寒也。急用參砂和胃湯。加煨薑以溫之。

泄瀉

發熱之際。或初見痘苗之時。毒氣作瀉。瀉必黃臭。肚腹不甚痛。亦有兼吐

者。酸刺有聲。神氣不甚困倦。此毒氣由吐瀉而散。所謂吐瀉爲順候。而不必治者。惟此一症耳。刺音辣。从束與从束異。

有吐瀉交作。而腹痛甚者。吐有餒氣。瀉淡黃。而氣亦餒。此停食而夾寒也。用升清平胃散。加羌活五分。一服立痊。

有脾氣虛弱。而泄瀉者。其瀉滑利。色白。不甚臭。瀉後精神疲倦。朮苓調脾散主之。

起漿灌漿時。瀉而糞黃臭穢。小便赤澀。痘暈必紅紫。加味四苓散主之。起漿灌漿時。瀉而滑利。糞色淡白。或乳食不化。此虛寒也。痘暈必淡白。參苓白朮散主之。兼用七味荳蔻丸。

腹痛

停食作痛者。痛多疾急。啼叫必甚。或臍以上痛。面唇如常。或面青。唇白。手足微冷。升清平胃散主之。

毒火作痛者。有作有止。多在臍以下。或連腰而痛。面必紅。唇必紫。手足不冷。敗毒和中散主之。如大便秘結。兩三日不解。加熟大黃微利之。

中寒作痛者。面青。唇白。手足冷。其痛連綿不已。以手按之稍止。宜用建中湯。

當靨時。忽然腹痛。其痛著在中脘。此熱毒結於腸胃作痛也。消毒散血湯主之。脘音管。胃府也。瘀音飲。血壅病也。

驚搐。音抽。搐音觸。

身熱一二三日。痘欲出而未出。或報苗一二顆。忽然驚搐大作。不可驚惶失措。惟照後列諸症用藥。

有毒氣壅盛於內。不能驟發於外。而驚搐者。其症痘暈紅紫。身熱。面赤。唇紅。聲音亮。口氣粗。脈洪數有力。宜用清解散以宣之。痘出而驚搐自定。

有內毒本盛。外為風寒所束。而驚搐者。其症形色多同前條。但聲重。鼻塞。或流青涕。脈浮而數。宜用蘇解散。此症在寒涼之月。或不避風寒者有之。

有血氣虛弱。不能送毒出外。而驚搐者。其症痘影淡紅。皮膚之間。不見紅活。唇淡。面白。或帶青色。脈遲緩。宜補中益氣湯。間或煩躁。有似於熱。其實氣血虛弱。送毒不出所致。非實熱也。

痘正出時。有忽然傳風。雙目直視。牙關咬緊。此調護不謹。為風寒所襲。宜用薑附湯。微汗之立愈。

凡幼兒發熱。未見痘苗。忽然驚搐。權以清解散宣發之。即非痘亦無害也。前症分別明白。一劑之後。痘出而驚搐立止。切不可用驅痰峻攻之藥。世

人昧於毒火驚搐之由。不極力托苗。而專於治風。誤人多矣。有用藥而驚搐不止者。幼童牙關咬緊。藥不能進。急以燈心蘸香油。按各

穴灸之。頃刻甦醒。牙關開合如舊。驚搐亦止。今將各穴列後。蘸斬去聲。灸从久。居又切。與灸不同。

兩手曲池一各灸。兩手虎口各一灸。兩脚三里各一灸。三里在兩脚正膝。外以脚之脛骨而

通算之。約有一尺長。則上三寸之下也。言三里者。謂此穴去膝蓋最近。按之正臑骨之外。去臑不遠。陷肉處即穴也。兩脚鞋帶各一灸。在脚背屈曲之處。繫鞋帶之所按之骨縫中空

穴。兩脚虎口各一灸。在脚大指與次指之極處。男從左手曲池灸起。隨灸左手虎口。又灸右

手曲池。右手虎口。又灸左脚三里。左脚鞋帶。左脚虎口。又灸右脚三里。右
脚鞋帶。右脚虎口。

男從左上灸下。女從右上灸下。切不可下灸上。左右上下共十穴。每穴止
灸一下。不可多灸。凡用灸時。先取大白燈心一莖。長不過二三寸。蘸香油
潤之。將各穴用墨筆點定。然後燃灼燈心。按穴而灸。聽燈火有爆聲。上吉。
次第如法灸畢。抱定睡一個時辰。痘苗出現。而驚搐自止。若灸後煩躁昏
悶。不省人事。則不可救。灸時要審視穴法的確。方無差誤。爆音
倘體質素弱。又兼吐瀉。瀉又淡白色。此元氣下陷。宜溫中益氣湯。倍參芪
以壯脾元。痘出而驚搐自止。凡脾氣虛弱。燈火切不可用。火能劫其有餘。
不能治其不足。慎之慎之。

夾斑夾丹夾疹

痘有夾斑而出者。初見苗一二顆。其空處及偏身。有紅赤小點。而無顆粒。
不見高聳。多隨出而隨沒。

又有夾丹而出者。初見苗一二顆。偏身紅赤成片。如雲頭突起。凡遇此夾
斑夾丹之症。不必驚惶。俱用元參升麻湯一二劑。散其游火。斑丹自退。而
痘自出。即出痘亦不甚稠密。

又有夾疹而出者。初見痘苗數十顆。偏身紛碎。形如出疹。亦用元參升麻
湯。加桔梗酒炒黃芩服一二劑。疹退而痘自當出齊起脹。

在內不出爲伏。出而復入爲陷。伏陷論中。辨之詳矣。茲言倒陷倒靨。又有分別。倒陷者。痘頂從前俱高聳。當行漿之際。忽然下降。細看痘色。以辨虛實寒熱。分別五陷用藥。催其長漿。漿滿而毒解矣。倒靨者。當長漿之時。不能及時用藥足漿。及至回水結痂之際。忽然平塌。其症亦危。急用參歸鹿茸湯。加官桂白朮。撫芎木香。大便溏瀉者。兼用參朮散。

如實熱而毒火內盛。則以清毒活血湯倍參芪。攻去毒火。以足其漿。若屬虛寒。不能載毒出外。而足漿。急用千金內托散。或參歸鹿茸湯。雖至一十二日之久。猶可望其足漿。若束手無策。則倒陷而殺人矣。

空殼

痘泡內無漿。止有外面一層空殼。宜看虛實寒熱。用藥催漿。實熱而毒火內盛者。急用清毒活血湯。如屬虛寒。急用千金內托散。或參歸鹿茸湯。雖過期猶可望生。若不急治。則變症蜂起矣。看時當以手指。次第按其痘頂。其中空與不空。一目瞭然。倘疑心未決。再以銀針挑破一二三顆。便可決矣。

漏漿

痘已成漿。頂上微有小孔。痘漿從此漏出。此元氣虛弱。而肺氣不固也。急用松花粉敷上。堵其小孔。仍用溫表調中湯。助其回水結痂。

潰爛

痘漿充滿。忽然潰爛。作臭穢氣。多因痘出稠密。藥力攻其長漿。漿足而潰爛流膿。喜其潰爛也。喜其流膿也。更喜其作臭穢氣也。蓋膿出而毒解。不

必妄加調治。若身熱不結痂。清表敗毒湯主之。若身不熱。口不渴。唇淡食少。手足冷。不能一時結痂。宜用溫表調中湯。外以松花粉敷之。

又有收結後仍發熱。手足等處臭爛。出膿水不止者。生肌散糝之。糝桑感切

五陷

痘有五陷。辨之不可不早。白陷也。灰陷也。紫陷也。黑陷也。血陷也。

白陷之症。痘雖稠密。其色淡白。根無紅暈。而頂陷。此乃氣血虛寒。不能運化毒氣。以成膿。宜用千金內托散。或參歸鹿茸湯。至於白陷失治。而變灰陷。乃氣血虛寒之極。仍用前二方。倍參芪鹿茸。

紫陷之症。痘稠密紅紫。身必發熱。呼吸氣粗。根脚紫暈。而頂陷。此乃毒火內盛。氣血俱熱。清毒活血湯主之。

黑陷之症。因紫陷失治。漸見暈脚乾枯。中有黑臍。而頂陷間。有誤服溫補而成者。俱用清毒活血湯。倍黃芪芩連。

血陷者。痘粒通紅。成血泡。而不成漿。因氣虛不能統血。而血反僭溢於氣分。宜用參芪湯。大補其氣。若不急療。氣愈虛而成陷。治之亦不外此方。

血陷人多誤為紫陷。不知血陷屬氣虛。呼吸平和。身涼不熱。痘泡雖紅而不紫。宜用參芪湯。紫陷屬熱。身熱氣粗。宜用清毒活血湯。症異方殊。不可

混也。

既成五陷。催漿莫緩。一劑不足。再劑催之。再劑不滿。三劑催之。必以漿足。

方可歇手。若稍遲緩。則漿不成。不可救矣。

凡膿漿不滿。雞冠血酒亦可用。以三五年雄雞。先將好酒一杯頓溫。次刺雞冠血。滴入和勻。仍頓溫服之。服後雖燥痛一時無妨。其雞不可殺。

封倉

痘出稠密。必須兩眼緊閉。斯元氣內固。名曰封倉。若兩目炯然。決難成漿。如五陷之症。仍照治五陷之藥。極力催漿。目自然閉。然亦有不拘者。予昔年治一自出痘症。十分稠密。因有毒火。以清毒活血湯。催其長漿。漿足而兩目炯然。竟無他患。可見膿漿充滿。及出痘稀疎者。又不以封倉爲順候也。

寒戰咬牙

痘已出齊而咬牙者。不必治咬牙。只用催漿之藥。咬牙而自止。但凡八九日。膿漿不足。則寒戰咬牙之症。係痘有膿漿充滿。真氣外發。而內虛寒者。又有收靨後。而見此症者。俱宜用建中湯。今人有謂熱咬牙而熱戰者。不思古人既謂之寒戰。則無熱可知。且以寒戰咬牙立名。則寒之一字。統於咬牙。其咬牙亦爲寒也明矣。故聶氏不爲熱症立方。


予曾治一幼童出痘。漿已充足。八日之間。忽然咬牙。因思漿足而有此症。定非虛寒。又不敢遽用清涼。將一雪梨。切作五六片。令其食之而止。蓋七八日以前。間有屬熱者。若八九日之後。則屬熱者寡矣。

室女孕婦出痘

室女十四五歲以後。若發熱之時。天癸暴至。不必驚惶。惟用升麻葛根湯。元氣素弱者。則用加減參蘇飲。腹痛加酒炒香附。以和其氣。如報痘時。天癸暴至。毒火必隨積瘀而盡去。將來痘必稀疎。若當長漿。經水適來。亦不必驚惶。惟看虛實寒熱。用藥助其長漿。漿足自然回水結痂。

若孕婦遇鄰家及同居出痘。急宜往親戚家。迴避幾月。若未迴避。以致出痘。當以托痘爲標。保胎爲本。發熱時亦用升麻葛根湯。加酒炒條黃芩六七分。土炒白朮一錢。以保胎元。蓋白朮健脾。能培萬物之母。條芩瀉火。能滋子戶之陰。若無孕。條芩不敢早用。恐冰伏其毒。痘苗不能及時而出。有孕則毒火熏蒸。不用條芩以清內熱。胎必不能保矣。至於出齊。熱尙未清。條芩不妨再用。若長漿之時。痘暈紫紅。則用清毒活血湯。少加白朮。尙痘暈淡紅。以及淡白。必用千金內托散。倍參芪去肉桂。加白朮固脾安胎。列此兩端分治之法。救母而兼救子。十常保其八九。學痘科者。可不細心參酌乎。

又有孕婦出痘。不能按法調治。以致熱氣內蒸。而墮胎者。當令老成穩婆。叅扶產婦。以熱水淨浴下身。上牀扶坐一二刻。用水白酒一鍾。熬滾入童便半盞和服。行其瘀血。痘易出而易起。尙痘出稀疎。精神清爽。二便調。飲食好。不可妄加施治。至於長漿之時。仍看虛實寒熱。用藥催漿。尙毒火內盛。略用芩連三五分以清之。不可過劑也。



刪訂痘疹定論卷二

新建朱玉堂手著

祁陽王藻亭刪訂

年長男女出痘

凡長年男女。嗜慾久開。氣血漸耗。時值出痘稠密。毒氣內盛。虛火上炎。或煩。或渴。或咽喉痛。或唇口苦。難任溫補。痘必不能成漿結痂。最爲難治。時醫見其多熱候。率用清涼寒苦之劑。不知原因氣血不能勝毒氣。致有此症。若純用寒涼。則血氣愈虧。而毒氣愈肆。豈復有可生之理。聶氏特製參麥清補湯以催漿。殊有妙理。必須服三四劑方能奏效。

襁褓小兒出痘

小兒不分男女。或生下十日。半月。一月。如身熱一二日。切不可指爲驚風雜症。用藥妄治。予曾治一初生小兒。看其面部。已報痘兩三顆。因形色如常。不必用藥。俟之三日。痘已出齊。通身不滿三十粒。至第四日。次第長漿。第五日膿漿充滿。尖圓紅潤。第六日漿足回水。先從腎囊結痂。予初見驚疑。因其身不熱。吃乳好。睡又安靜。故不用藥。至七日而通身之痂。已落其半。此乃出於常格之外。亦不可不知也。

痘應四季

治痘計日。有一十二日之期。乃應十二個月令。發熱三日。應正二三月。見苗以至出齊。應四五月。長漿以及足漿。應七八九月。回水結痂。應十月。

與十一十二月。世人不明此理。除去發熱三日不算。乃於見苗之日算起。且日出三日長三日。灌漿三日。回水結痂三日。是將十五日作十二日也。若去出三日。猶無甚關係。可以混過。所謂長三日。則長何物。不知長者長漿也。既云長漿。又曰灌漿。不亦贅乎。時醫當長漿三日之際。總不言漿。亦不用藥催漿。及面部轉褐色。乃回水之候。彼方用藥。若痘不稠密。尙可延捱。倘毒火內盛。及氣血虛者。必致誤事。此皆長三日之一言。誤其時日。不能如期催漿。以致膿漿不成。變成壞症。雖有明醫。難保其後矣。或問曰。子言一十二日。必連發熱三日而算。若痘出稠密。或爲風寒所束。三日不能出齊者有之。倘後學遵子之論。不待出齊。而用藥催漿。不亦失之太早乎。予應之曰。善哉。子之問也。一十二日之期。應一十二個月。尙未出齊。透一日以象閏。則痘漿未有不成者也。

痛癢

膿漿充滿。痘粒高聳。內實作痛。此吉兆也。用生白芍末一錢。酒調服之。立止。

痘當長漿之際。膿漿不滿。或回水之候。作癢異常。皆屬內虛。急用參芪實表湯。暈若紅紫。則用清毒活血湯。倍參芪。外治用荊芥穗末。將棉紙緊捲成筒。火上點灼。按滅火燄。隔薄紙一二層。於癢處點之。患者自以爲妙。每癢痘悉點之立止。

有穢氣觸犯而癢者。急燒蒼朮。紅棗。楓球。檀香以解之。再服平和湯。使芬

芳藥味。達於營衛。自然止矣。

有漿不滿而燥癢。擦破血出。隨即焦乾。如鍋焦樣。又有一種長漿不濃。渾身俱淡白。水漿形如燈籠。及回水之際。擦破隨即乾焦。以上二症。多凶少吉也。

紫浮萍

痘名浮萍。如浮萍之叢聚也。紫則因其色而名之也。凡自出痘症。十之中必有二三紫浮萍者。或二三十顆。或六七十顆。共合一處。通身正痘俱大。萍之顆粒。獨小粒連一片不分顆粒。俱成紫色。根脚亦紫。其症有三五處者。有十幾處者。凡遇此等症候。不必驚惶失措。當長漿之期。內服清毒活血湯。倍生黃芪。倘能受補。即倍人參。外用拔毒散。口搽三四次。則毒氣盡行拔出。正痘長漿。彼亦長漿。若用前方。不能長漿。急用參歸鹿茸湯。以收全功。予曾治此症。先有四醫。俱用寒涼解毒之劑。至八日痘皆平塌。全無膿漿。束手無策。急延予治。予作紙捻照之。詳看通身。紫浮萍有三十餘處。即以參歸鹿茸湯。南酒一大鍾。水二大鍾。濃煎溫服。仍用拔毒散。點搽各處。次早照前方再服。外搽拔毒散。痘漿充滿。各處紫浮萍亦長漿。打成一片。至回水之際。擦破數處。膿水淋漓。用松花粉敷上。結痂而愈。或問之曰。紫浮萍之症。屬熱者多。子乃以溫補之劑。迅速成功。其理可得聞與。予應之曰。醫之用藥。看症相時。彼前用寒涼太過。以致兩目炯炯。服參歸鹿茸湯一劑。是夜兩目即封。元氣內固。漿已上其大半。再服而通身膿漿。次第

充足。所謂神而明之。存乎其人也。

倘元氣虛弱。亦有浮萍幾片。其色淡紅。或淡白。當用千金內托散以催漿。如漿不滿。卽用參歸鹿茸湯。外仍用拔毒散搽之。

痘疔

痘之有疔。毒氣凝結而成也。順症必不生疔。險逆多有之。治之惟有燈火挑撥拔毒化毒四者而已。初見痘疔。根脚獨大。硬而不軟。始則以燈火灸之。再用拔毒散搽之。如此不消。則以銀針挑破。疔內必出紫血。用棉花揩盡。隨用四聖膏。輕輕填入。自然毒去而疔散矣。又有一法。用獨頭蒜一片。放在痘疔頂上。以艾灸三壯。亦消。

賊痘

賊痘者。較之衆痘。顆粒獨大。惟根脚不腫硬。先微含水漿。中臍有黑色。後必帶累衆痘。不得依期長漿。若見有此。卽以燈心蘸香油灸之。其毒卽化。倘賊痘出多。燈火恐其難受。可用拔毒散搽之。日搽三四次。亦能解毒。若灸之不退。搽之不化。衆痘不能成漿。則甚危矣。

水泡

痘出齊後。順症次第長漿。決無水泡。惟險逆之症。則有之。大約長漿之際。三分之一中。有一分水泡。無大妨害。若渾身全是。必變癢塌而死。此因元氣內虛。不能送毒成膿。以致毒伏於內。水溢於外。不作漿而作水泡。甚有水泡大如蛋者。不可救矣。

如兒小痘多。則血氣有限。不能盡化爲漿。而水泡與膿漿相間。此常事也。若無他症。不必施治。

口瘡

痘出稠密。口舌必多破爛。若在長漿之際。極力催漿。不必憂口舌之破爛。倘毒火內盛。以清毒活血湯。加煨石膏。如值回水之候。急用大連翹飲。去木通。滑石。車前。加酒炒黃連。熟石羔。薄荷。麥冬。花粉。桔梗。連進一二劑。可免牙疳之患。

咽喉疼痛

痘出稠密。毒火上炎。咽喉必然疼痛。初見痘標時。不必專治咽喉。惟有托痘出外一法。倍加桔梗以利之。若當長漿。而咽喉腫痛。則以利咽解毒湯。與提漿藥相間而服。外用玉鎖匙末。吹入喉內。自然奏效。

失聲

痘當長漿之際。及膿漿充滿之時。忽然失聲。因喉內痘漿起脹。窒礙氣道。故聲不響亮。或因小兒痘多。每日啼哭。以致失聲。亦未可定。總以漿足爲吉。不必別加調治。若漿不滿。又失其聲。非吉兆也。

嗆水

嗆七相切

痘當長漿之時。飲水而嗆。其喉若不甚痛。不必治其嗆水。惟有催漿一法。俟外痘靨而內自痊。不藥而愈矣。若漿不足。至回水結痂之際。變症自然。嗆水。倘形色改變。亦非吉兆。

痘爛生蛆

炎夏痘出稠密。潰爛臭穢。貧窮人家。無帳幕藏身。蠅蚋逐臭而至。蛆乃生焉。然亦不必驚惶。毒火內盛者。用清表敗毒湯。元氣內虛者。用溫表調中湯。催其回水結痂。外用蛆藥未搽之。其蛆自死。予曾治拖尾蛆。而立刻見效者。慎勿棄而不醫也。

蛆藥原無藥名。因予家濱於大河。每年夏秋之間。鮮魚廣出。買來醃晒。蠅蚋叢集。蛆則生焉。人往山採此生葉。壓之。其蛆即死。遂呼爲蛆藥。不知他處亦有此苗。否其苗高不過尺許。葉長寸餘。而尖有似葇荳茄。凡採取先以魚肉生蛆。試之。蛆見即死。苗真無顆。勻摘來。以瓦鍋焙乾。研爲細末。凡痘內有蛆。即用之。

辨痘形色

碎金賦云。初出現而涵水。乍起發而戴漿。膿未成而乾黑。囊未滿而萎黃。初見痘苗顆粒之中。便涵清水。此名涵水。痘未出齊。其中有一二顆先起黃漿。此名戴漿。及當長漿之時。膿漿未成。而痘腳乾枯。痘頂黑陷。此名乾黑。膿漿未滿。而痘之根腳平塌。已見黃色。此名萎黃。四症皆危困之候也。

痘頂疔瘡

痘當起漿。或漿滿之際。頂內有微白疔瘡。此乃氣分有熱。上衝痘頂。切不可用辛熱補劑。惟用清毒活血湯。疔瘡自化。而成膿漿矣。

子來救母

痘當長漿之際。忽俱平塌。復發熱出細小痘粒。比先出之平塌者。更覺多些。此乃子來救母。吉兆也。何也。先出者爲母。後出者爲子。子之行漿。不須

三日充滿。隨出隨長。子漿既足。母漿亦漸成膿。此先凶後吉也。

解毒疹

痘漿既滿。當回水之候。忽然通身大熱。當先看臍之四圍及腰間。如有小紅顆粒。此名解毒疹。又名蓋痘疹。宜用宣毒透疹湯。托之出外。後用大連翹飲。一劑而愈。

痘後毒火攻目

痘後壞眼者甚多。從前方書。俱言目中有痘。獨聶氏曰。此非有形之痘。乃無形之毒也。因長漿之際。醫不能及時用藥催漿。以致漿不充滿。至回水時。身熱頭疼。眼胞紅腫。不能開視。此時用清毒保目湯一二劑。重者輕而輕者解矣。乃委而去之。且曰眼中痘結成翳。非人力所能為。嗟嗟。庸醫誤人。莫此為甚。夫有形之痘。發於咽喉口舌者有之。然外痘起脹。內痘亦起脹。外痘收靨。內痘亦收靨。惟入眼之痘。必作於收靨之時。或還元之後。與咽喉口舌之痘迥異。蓋眼者五藏血氣之精華。痘毒之鬱滯於肌膚。為癰為癩。易為調治。若留滯於血氣精華之分。則其受病也深。故患此者。當從容調治。收功於數十劑之後。切不可鹵莽躁率。責效於十數劑之間。何也。痘後之人。元氣已弱。受毒又深。且在至高之位。若驟用苦寒。峻攻其裏。未有不至於喪明者。惟用清毒保目湯。緩緩治之。如生目翳。則用清毒撥翳湯。此萬不失一。患者勿遽求速效。致貽後悔也。亦有誤服附桂熱劑。至收靨之時。火熱上炎。攻於兩目。此在醫者當悔從

前之錯。勿滋日後之愆。急用清毒保目湯以解之。倘毒重火盛。則用清毒撥翳湯。連進數十劑。自然翳膜退去。切勿過用寒涼。又不可聽世俗眼科。用藥點洗也。

又有一法。每日清晨。用公猪肝七尖四兩。兔糞八枚。蟬脫二十四隻。去頭足先將兔糞蟬脫。入瓦罐內。加清水二大碗。漫火熬滾。令性味俱出。後將猪肝七尖。切成薄片。入於湯內。一刻即熟。先飲湯。後食肝。若得黑羯羊肝更好。湯散兼治。自可禁忌。切忌食煎炒辛熱之物。

有一小兒。七歲出痘。收結後。飲食行走如常。惟左眼黑珠凹如半粒米大。醫者以蟬脫白菊歸地芩等藥。服四五劑。而凹處愈闊愈深。主人延予視之。予曰。痘後元氣虛弱。黑珠屬肝。當是水虧不能生木。醫者曰。孩童天真未漓。水何由虧。予曰。此論稟賦厚薄。非關斷喪否也。且痘出之時。毒火內攻。亦能燥爍真陰。水豈有不虧乎。醫者語塞。而心殊不謂然。予遂用六味地黃湯。加鮮枸杞熟附子服二劑。而凹處平復如常。

痘後發癰

痘當灌漿之時。醫不能及時用藥催足。又有誤服補劑。助其毒火。至回水結痂之時。偏身發熱。毒氣凝聚於一二處。發而爲癰。當分陰陽調治。初發時或頭上。或手足腰胯上紅腫。高聳有頂。此陽毒也。宜外敷三豉漿。內服大連翹飲。可消則消之。不消則攻破出膿。膿盡用生肌散。貼萬應膏。則全愈矣。若初起身熱。毒無頭脚。腫硬而痛。此陰毒也。宜用生黃芪製白朮白

苓當歸撫芎生地銀花連翹玉竹甘草服後頂起脚束膿成而毒自解若連服無效卽加參附以助藥力無不愈者。

有毒氣甚癰痛異常外敷三荳漿不退內服大連翹飲不消用黃連黃柏大黃等分爲末以蜂蜜調勻空頂箍毒出膿再服大連翹飲加銀花貼萬應膏自愈。箍音孤

痘後便膿血

痘後便有膿血須將所便置之水中若浮有痘痂樣此因腸胃有痘收結滑下無大害也但用大連翹飲以清解之此症肚腹毫不痛也。

若痘後腸癰數日前必作腹痛癰既內潰所便膿血淋漓不過三四日腹痛自止亦用大連翹飲一劑而愈切勿用大黃下行之藥凡痘毒既潰固元氣要緊慎之。

水痘赤痘

水痘赤痘形色與正痘相似但水痘灌漿時純是清水赤痘初出形色微赤亦水痘之類灌漿仍是清水俱因脾肺素有溼熱外感風寒而發初出亦發熱頭疼嘔吐化毒卽上漿漿滿卽結痂而愈均宜避風寒節飲食。

肉食不可太早必俟出齊而不身熱方可食猪肉若熱未退而食肉以助火邪必成大患雞肉首尾俱不可食惟起脹時怯弱者可食以助行漿壯盛者亦忌之諸魚皆腥牛羊皆羶並宜禁絕。

痘出齊後雖用藥提漿亦藉肉食以助胃氣蓋五味入胃輸精於肺肺氣

灌漑。周流五臟。充溢營衛。運化氣血。催托痘毒。易於成漿。漿且稠濃。此皆食肉之力。若將出齊之際。用香蕈煮豆腐。不用鹽。與之食。亦有起發之功。

乳母俱同。蕈尋上聲又音侵皆也

當長漿之時。幼兒自己能食。聽其飽餐。不比雜病。過飽傷脾也。

鄉俗用冬筍催漿。或以笋尖作藥引。不知冬筍不能成竹。春來根梢皆爛。豈可入藥。若春筍生長甚快。倘僧家及素食之人出痘。用春筍嫩尖。並香蕈。豆腐。及豆腐皮和食。亦可助其長漿。

粥飯南方用各種稻米。北地用梁米。虛寒則用春熟老米。毒火內盛。用糜子米亦可。蒙古種糜子。有紅黃白三種。春米炒熟。能益脾胃。出痘口渴。滾白水溫服。若愛吃茶。淡些方好。茶細而陳者佳。

痘收後氣血兩虛。必藉口味滋補。鴨肉最好。猪肉亦可。每餐決不可少。倘兒小不能食。當與乳母食之。至於清毒撥翳等藥。未免尅伐。尤須肉食補益。始易奏效。

紙撚照法

用紗綿紅紙。或燒錢草紙。烘乾作撚子。粗如小牙箸。蘸香油於燈上熏熾。令不爆炆。將患者房內門窗。閉令黑暗。即點撚子。看其兩顴。有何色點。中庭有何色點。看兩顴以撚子在耳邊及鼻邊平照看中庭以撚子在目角邊平照皮中是赤是紫。是點是塊。曉然明白。疹症則浮於皮外。肉內無根。若是痘症。根在肉內極深。如此照之。歷歷不爽。若據日光而看。則不明矣。炆音許 顴音權

種痘緣由

宋丞相王文正公名旦。生子多因痘瘍。因預訪明醫治痘。時有四川官京師者。因言種痘有神醫。公聞而喜曰。神醫是何姓名。何處居住。可爲我延致否。彼應之曰。醫乃女人。傳說生於江南滁州。自幼吃齋念佛。長不婚嫁。亦不披剃。雲游至峨眉山。蓋茅庵而居焉。惟時有上橋中橋下橋。三處女人好善者。俱爲皈依。神醫乃現身說法。自出痘症。至一十二日。回水結痂。乃命三橋女人曰。此痘痂可種也。用此痂二十粒。置潔淨盃內。以柳木作杵。研爲細末。入水三五滴。乾則又加幾滴。總要不乾不溼。再入新棉花些須共研。捏成棗核樣。納於男左女右之鼻孔內。未滿一歲之兒。種六個時辰取出。若二三歲之兒。種十二個時辰取出。春秋二季。一個月之痂可種。夏月之痂。不可過二十日。若冬月。雖四五十日之痂。亦可種。種後七日。身必發熱。熱三日而見苗。又三日而出齊。齊後次第長漿。漿長三日。而膿充足。自然回水結痂而愈。汝等依予此法。將自己之兒女種之。然後廣其傳可也。遂如法而種。果然百不失一。自是環峨眉遠近之人。無不求其種痘。因稱爲神醫。公欲致之。無難也。遂爲公延至汴京。擇日種痘。果如所言。公喜極厚謝。神醫謂公曰。我修行人。金帛無用。公位居台輔。贊助君德。表率臣工。鎮中國而撫四夷。令天下萬民。共享太平。我受謝比金帛更多。由是辭回峨眉。傳三橋前皈依女人告曰。我非凡胎所生。乃慈悲觀世音菩薩轉劫。指出種痘之法。欲天下之幼兒少女。咸躋壽域。吾今以此法。傳授汝

等。毋私毋忽。三橋女人。皆俯伏謝慈悲。普度。復問讚頌神功。稱何名號。以垂久遠。神醫曰。凡種痘之家。焚香禮拜。但稱天姥娘娘。吾卽於虛空中護佑之。言訖坐化而去。姥音母

予種痘。俱遵天姥垂訓。凡調治俱依聶氏活幼心法。果然百不失一。然必先看自出之痘。某症爲順。某症爲險。某症爲逆。擇其順者種之。謹慎小心。不可妄作億逆。初學種痘者。所當先知也。

凡選苗犯十三逆症者不用。夾紫浮萍者不用。夾斑丹與疹者不用。總以上好痘痂爲主。以氣相傳。順而又順。謹記謹記。

凡痘苗三五日後。男則左頸項之下。女則右頸項之下。與咽喉相隔不遠。微有小疙瘡。此痘苗必發之候也。然亦有無疙瘡者。其苗亦發。至漿足自然消散。若消散不盡。勢必凝結而爲毒矣。

天姥教人種痘。其法已備。後人又有一法。亦似可行。以紋銀造一管。約五寸長。其管之孔。可以入得鼻內。着痘痂末於管口。輕吹入鼻。又有以出痘之人。當足漿後。取其貼身裏衣。與未出痘者穿之。日夜不脫。至九日十一日始發熱。亦有七日發熱者。然恐氣薄不透。多有不熱不出。若夫狂妄之輩。挑破痘漿而作種。此乃不仁之術。不必言矣。


欲學種痘。必先克去己私。復還天理。忠君孝親。恤寡憐貧。敬老慈幼。見色不迷。不欺。臨財無貪。無苟。如此者。可以學種。倘於此言或有缺一。天報隨之。可不慎乎。

胎毒不必預解

胎毒藏於命門。至深至密。藥之氣味。無從而入。譬之火石。火藏石中。著以硝硫。不見吐燄。沉於溪澗。未聞滅光。若以鐵敲之。其火星勃然四出。世人不明此理。謂用藥預解。重者可輕。密者可稀。稀者不出。嘗見用之無驗。切不可聽。

種痘要看精神形質

種痘之時。無病也。無病要其必病。已病要其全愈。大要始則慎於選苗。次則所種之幼稚男女。必要辨別其精神。詳察其形質。面部有精采。印堂山根。年壽。無青暗之色者吉。若目無神光。聲音不亮者。不種。又看其肥不見肉。瘦莫露骨。肉緊而微帶黑者吉。若肉鬆神疲者不種。又看其天柱端正。手執物件。把持有功。站立懷中。脚不倦軟。小便遠長。腎囊緊小如荔枝殼者吉。若呼吸吸之氣不勻。及神瘦弱。病後原氣未復者。勿種。



刪訂痘疹定論卷二

新建朱玉堂手著

祁陽王藻亭刪訂

面部報痘八卦方位之圖

附歌

男從左起

女從右起



乾宮初出多為吉。坎部來時凶莫名。艮宮止有三。今痘震上悠悠不用驚。
巽宮九分離十一。坤宮先報斷然輕。兌位出者吉中吉。囑咐醫人仔細尋。
若能依此部位看。吉凶瞭如掌上紋。

單粒報痘者稀疏。雙粒報痘者稠密。熱退見苗者順。夾熱放苗者險。痘已出透而熱不減者逆。顆粒大而尖圓紅潤者吉。顆粒大小不一。微見尖圓紅潤者半吉。顆粒十之中有一分大。二分不見尖圓紅潤者凶。

初發熱至痘出齊數日內治法

大凡治痘。自發熱之初見點之時。卽當思及如何起發。如何灌漿。如何收結。動手用藥。便要顧首顧尾。慎其初以善其後。然後次第調治。可保萬全也。

發熱之初。若身熱和緩。或熱或退。神清氣爽。飲食如常。則不必用藥。但素食避風。調護而已。蓋痘有順而不必治者。不輕治卽所以治之也。

其或憎寒壯熱。頭痛咳嗽。鼻流清涕。多因外感。當視兒強弱。用藥發散。體氣壯實者。用加味升麻葛根湯。體氣怯弱者。用加味參蘇飲。俱不可過於發汗。恐發虛其表。後難起。脹灌膿也。

既經發散。身熱漸緩。兒頗安靜者。其痘出必稀少。此爲順候。且勿服藥。以待報苗。

發散之後。或身熱不退。煩躁譫語。口渴飲水。用敗毒和中散。慎勿過用寒涼。冰伏其毒。出之不快。反成大患。或芩連少用。或用芩而不用連。或弁芩連不用。是在臨時斟酌。倘大便秘澀。加酒蒸大黃一錢微利之。如有外感。去芩連。加羌活。白芷。蘇葉。發散而兼托痘。來日必報苗熱退而身安也。

或有腰疼腹痛而煩悶者。其毒氣誠重。當用敗毒和中散。大便秘加酒蒸大黃微利之。痘外出則內痛自止。然後看其痘。或稠密。或紅紫。或帶焦黑。乾枯等色。急於前方內。倍芩連紫草茸。以清血分毒火。切不可純用苦寒之劑。遏阻其毒出之勢也。

當衆人出痘時。小兒或發熱稍緩。其熱或作或止。其紅點或未見。或微見而未明。是痘非痘。在疑似之間。且勿服藥。姑少待之。有等富貴之家。珍愛太過。見其發熱。誤信庸醫。屢投清涼解毒之劑。不知胎毒感觸時令之氣。其勢猛銳欲出。斷不可禦。必藉氣血載毒出外。成漿結痂。然後毒散而功成。此病機亦化機也。豈若諸瘡之毒。可以驟然而解者乎。故解之於既出之後。是順其欲散之勢。猶爲近理。若解之於將出之際。是遏其勃勃欲出之勢。其禍甚速。奈何今之治痘者。每於發熱之初。或見痘苗一二顆。輒以解毒爲主。不知痘之稀疏稠密。由受毒之輕重。非臨出時所能解也。發熱之際。有嘔吐者。有吐瀉交作者。治法詳第一卷吐瀉論中。

身熱二三日。痘欲出未出。或煩悶驚搐。或狂言譫語。治法亦詳第一卷驚搐論中。

有發熱稍輕。至三四日。而痘尙隱隱未現。切勿認爲毒輕痘少。慢不加意。恐係伏而不出。須依第一卷伏陷論中調治。

若發熱和緩。精神清爽。飲食如常。出痘稀而點數明。痘粒尖圓。漸見長大紅活。此爲毒輕痘少無疑矣。

有發熱稍輕。至三四日。而倦怠嗜臥。不思飲食。所報痘苗。形影淡白。點粒不明。此非痘少毒輕。乃氣血虛弱。送毒不出之故。急用溫中益氣湯以托之。甚者必連服二三次。痘始出齊。其痘必多。若因其安靜。不急托痘出外。延至五六日。毒氣內攻。不可救矣。昔人謂熱輕則痘輕之說。可盡信乎。而六日以前痘未出齊。勿用補藥。可盡拘乎。後學於此。宜留心焉。發熱至三四日。報痘形如粟米。口鼻腮耳年壽之間。先見數點。紅活潤澤者最吉。不必服藥。

若身熱一三日。卽見痘先發於天庭司空印堂等處。急一扁密也。而稀密。或從怙兩鬢。或烈。或成片不分顆粒。或頂平塌。而被此怙連。皆由氣血凝滯。不能收束毒火。以敗毒火肆行。最爲可憂。急宜活血養氣。逐毒。當用調元化毒湯。湯內人參。看症加減。腹痛去參芪。加炒枳殼。大便久秘。去參芪。加酒蒸熟大黃。若氣血與毒火俱旺。脈又洪數。歸芍少用。仍去參芪。痘出不快。其症不同。最宜分別。

有痘色紅紫乾枯。或密如蠶種。或一片不分顆粒。身熱。大便秘。而出不快者。此毒火鬱滯。氣血不流行也。宜用調元化毒湯。去參芪加小川芎。或加熟大黃微利之。

有痘色淡白。飲食減少。身涼。手足冷。小便清。大便滑。而出不快者。此氣血虛弱。不能載毒出外。宜用溫中益氣湯托之。有聲重。鼻塞。咳嗽。惡寒。而出不快者。風寒蔽之也。宜用加減參蘇飲。

有因邪穢所觸。而出不快。其痘必癢。宜用平和湯解之。外燒小紅棗。蒼朮。或沉檀等香。以辟其氣。仍看痘色。暈脚。伏則宣之。陷則補之。

痘正出時。身不熱者爲佳。或微熱亦不妨。惟大熱者可憂。若出齊而壯熱。更可憂。其痘必稠密。暈必紅紫。或帶乾枯。宜用調元化毒湯。本方有參芪。且去之。俟痘暈不紫。不乾枯。再入參芪。補助氣血。以成漿。

看痘出齊與否。以脚心爲驗。脚心有痘。則出齊矣。若痘出稀疏。不必拘此。以身不熱爲出齊。

自來治痘之家。著書立說。皆詳於已出之後。略於未出之先。深言出速而稠密之危。不言留中而不出之禍。不知已出之毒。外寇也。未出之毒。內寇也。出速而稠密者。外攻也。留中而不出者。內攻也。內寇與外寇。勢孰急。內攻與外攻。禍孰烈。故痘已出而死者。多在旬日之外。痘不出而死者。必在六日之內。徒知禦外寇。而不知逐內寇。其失計安在。惟在痘未出。急於解毒。緩於逐毒。不知未出之時。毒不可解。但當汲汲逐之。出外也。聶氏故爲未出以前諸症。分晰虛實寒熱。以施治。實熱者宜發毒壅滯。虛寒者補助其氣血。皆以逐毒出外。至於亟用寒涼。遏毒內攻等弊。則諄切致戒。不厭再三。非第救前之失。亦以防患於未然也。

痘出齊後起發。灌膿數日內治法

痘已出齊。身體溫和。精神清爽。顆粒尖圓潤澤。根脚紅活。胸背稀疏。飲食如常。二便不澀。此順症也。不必服藥。但避風寒。防穢氣而已。

痘出齊後。形色顯然。其膿之成與不成。足與不足。皆可逆睹。順症自然膿漿充足。其有不順者。後必無膿。或膿少而清。急於此三日內。觀形察色。分別虛實寒熱。用藥調治。以爲灌膿計。失此不治。多有緩不及事。而竟不成膿者矣。痘之生死。判於漿之有無。有漿毒從外散。故生。無漿毒留內攻。故死。是以膿滿而結痂厚者。上也。膿少而痂薄者。次也。其下者。偏身水泡。若水泡三四分。間有五六分膿泡者。猶可望生。倘密不成顆。串成一片。皮下又有膿漿。此最下也。如泡密而潰爛。膿水溼漬。此爲生機。惟乾枯無膿。漿薄止有一二三分者。必癢塌而死。是以出齊調治灌膿。如拯焚救溺。刻不容緩。

氣血充暢則毒化爲膿。膿之不成。其故有二。毒氣熾盛。則血燥而凝。故不能運化成漿。元氣虛弱。則血寒而縮。亦不能運化成漿。

痘暈紅紫。或帶乾枯。間有焦黑。此毒火內盛而血燥。必不成膿。急用清毒活血。倍連芩紫草茸。

痘色淡白。泡不尖圓。根無紅暈。此氣虛而血縮。必不成膿。急用參歸鹿茸湯。或千金內托散。

鹿茸好者難得。茄茸最上。外皮有黃毛。中有一包紫血。得之最難。收拾買來。以鍋燒滾水二大碗。將茄茸入滾水中。片刻隨即取出。迎風吹之。俟其涼些。又入原鍋。內片刻取出。迎風吹之。如是七八次。其茸中之紫血方堅實。如角用之。以灌痘漿。其效如神。若不知養生。則臭爛。衰之不得其法。則茸中紫血爆破。流出。市中所賣乾茸。外有黑皮。堅硬中却無堅實之茸。皆因急於一次煮熟。爆破流出紫血。故中節無茸。或間

出齊後。當治不治。則漿不行。而五陷之症作矣。治法詳第一卷五陷論中。痘出齊後。有面目腫脹。而痘不脹者。此氣血虛弱。不能收攝毒氣。以成膿。以致上衝面目。此為危候。急用參歸大補湯。助氣血。以攝毒氣。則痘漿灌而腫脹自消矣。此與逆症瓜瓠相似。但不似瓜瓠之甚耳。

又有原係險症。當長漿之時。毒火攻於口齒。上下唇掀腫。牙舌糜爛。有臭氣。急以清毒活血湯。去人參。加花粉。熟石膏。服一二劑而愈。

足漿之後。有身涼而汗不止者。歸芪湯主之。
足漿之後。兒小痰多。用白附子。熟水磨服。

漿足回水至結痂還元數日內治法

痘出入九日。膿漿充足。顏色蒼蠟者。上也。苟無他症。勿藥可也。若痘稠密。而漿不甚滿。延至此時。飲食少。而痰液多。宜用養胃開痰湯。此時有呃逆者胃氣上越也用真黃

士鼻邊開之立止

此時漿滿。或為寒所侵。一時痘俱紫黑。如紫葡萄色。不必驚惶。急以好肉桂磨熟水。或煎湯服之。立見如舊。

有寒戰咬牙者。此真氣外發。而內虛寒也。治法詳第一卷寒戰咬牙論中。痘至九日十日之間。膿足而色蒼蠟者。必且發熱蒸蒸。此回水之候也。蓋真陽運化其水。自然消燦收靨。倘元氣不足。不能及時回水。當靨不靨。此虛寒症也。必身涼。而手足冷。或作塘泄。須大補氣血。助之收結。溫表調中。

湯主之。

又有發熱蒸蒸。當靨不靨者。毒火未解也。退其熱。則痘自收。宜用清表敗毒湯。一劑而身熱立退。痘自收而結痂矣。或用沙糖半酒杯。百沸湯調服。謂之甘露回天飲。能令熱退痘收。若毒甚者。恐未必效。

痘靨時。有外潰而膿水淋漓者。謂之水靨。用房上多年敗草末敷上。卽結痂。蕎麥粉亦好。松花粉更妙。若在口外。卽以多年黃牛糞。燒灰敷上亦可。十一二日之間。結痂後復發熱。煩渴。胸腹手足。頭面俱熱。大便秘。小便赤。餘毒盛也。急用大連翹飲。遲則必生痘毒。

若發熱稍緩。頭熱而面不甚熱。精神困倦。大小便利者。虛熱也。補中益氣湯主之。

痂落還元。或痂落一半後。忽然偏身大熱。此餘毒發癰也。或頭項胸背四肢。有一二處更熱者。卽癰之所在也。皆因膿漿不滿。結痂浮薄。速收速落所致。卽用大連翹飲。解毒退熱。如熱不退。連服一二劑。癰方內消。

此時有忽然頭頂大痛者。餘毒上攻也。用大連翹飲。去木通車前滑石。加升麻桔梗川芎薄荷以解上攻之毒。庶可免目患。

落痂後精神困倦。飲食減少。或手足心不熱。或手足足涼。或癍白不紅。皆內虛之候也。補中益氣湯主之。癍音盤
卽疤也

落痂後忽然畏寒。畏寒之後。復又身熱。似瘧而實非瘧。此乃氣血兩虛。急用補中益氣湯。加酒炒白芍。薑製半夏。一服立愈。

痘後大渴引飲。必有餘毒餘火。隱伏於內。當用清涼之劑解之。庶變症不生。

痘後三五日。或六七日不大便。不論有無身熱。元氣壯實。即以大連翹飲去木通車前滑石。加枳殼熟大黃以下之。

痘後嘔吐不食。詳第一卷嘔吐條中。

痘後身涼。冷汗不止。精神疲倦。此陰陽交戰。宜用歸芪湯。加浮麥一錢。服之立愈。

痘科諸方列左。分兩多寡。以半歲孩童為式。大者增之。小者減之。

加味升麻葛根湯

初發熱用此方

白粉葛 一錢

升麻 三分

牛蒡子 五分

小川芎 七分

蘇葉 六分

桔梗 六分

山查 八分

赤芍 五分

防風 七分

甘草 三分

生薑三片同煎。熱服。取微汗。有加羌活者。

歌曰 升麻葛根湯十味
山查蘇葉及牛蒡

赤芍防甘芎桔是
體氣強壯斯藥治

加味參蘇飲

人參 二分

蘇葉 七分

前胡 一錢

小川芎 七分

山查 八分

桔梗 五分

白苓 八分

粉葛 八分

陳皮 七分

半夏 三分

牛蒡子 五分

甘草 三分

生薑三片同煎。熱服。取微汗。

歌曰 加味參蘇前甘陳
牛蒡查肉和乾葛

桔梗牛芎與茯苓
體氣虛羸用此靈

敗毒和中散 治煩悶燥渴妄語

連翹 七分 去心

桔梗 六分

紫草茸 五分 酒洗研碎

麥冬 一錢 去心

服大便秘澀加酒蒸大黃毒火盛加酒炒黃芩三分

歌曰 敗毒和中翹桔草通升枳殼紫荆防 牛蟬前麥芩連好 便秘蒸黃微利早

升消平胃散 治停食腹痛

小川芎 七分

藿香 五分

麥芽 八分 炒

煨薑三片同煎熱服

歌曰 升消平胃朴陳芽吐瀉內傷兼腹痛 甘芷芩蘇藿附砂 須倍蒼朮炒山查

參砂和胃散 治虛寒吐瀉

人參 五分

半夏 七分

煨薑三片同煎溫服

歌曰 胃氣中虛嘔吐頻陳皮白朮煨薑引 參砂和胃散極靈 藿半夏草白茯苓

防風 七分

牛蒡子 七分 炒研

小川芎 七分

甘草 三分

蟬脫 七隻 去頭足洗

升麻 三分

蒼朮 六分 製

白芷 六分

山查 八分

甘草 三分

厚朴 六分 薑汁炒

陳皮 五分

藿香 六分

砂仁 七分 研

白朮 四分 炒

白朮 四分 炒

甘草 三分

黃連 二分 酒炒

前胡 一錢

木通 七分

生薑一片燈心五十寸同煎

紫蘇 七分

陳皮 六分

厚朴 六分 薑汁炒

白朮 四分 炒

甘草 三分

白朮 四分 炒

甘草 三分

白朮 四分 炒

甘草 三分

白朮 四分 炒

甘草 三分

白朮 四分 炒

甘草 三分

白朮 一錢

白朮 八分

真神麩 八分

白芍 六分

砂仁 六分

扁豆 八分

香附 七分

厚朴 六分

甘草 三分

或加入參煨薑二片大棗一枚

同煎溫服

歌曰 脾土中虛泄瀉作 砂仁草附並神曲

尤善調脾扁芍補 薑引加參尤極妥

清解散 毒氣壅 咸用之

防風 七分

荊芥 七分

蟬脫 七隻 去頭足洗

桔梗 六分

前胡 一錢

小川芎 七分

連翹 七分 去心

乾葛 八分

紫草茸 五分 酒洗研

升麻 五分

木通 七分

黃芩 五分 酒炒

山查 八分

黃連 二分 酒炒

牛蒡子 七分 炒研

甘草 三分

生薑二片 同煎 溫服

歌曰 清解升防荆葛通 前胡蟬脫蒡翹共

芩連甘桔紫草茸 查肉生薑引有功

蘇解散 為風寒所 束者用之

防風 七分

荊芥 七分

蟬脫 七隻 去頭足

桔梗 六分

川芎 七分

前胡 一錢

乾葛 八分

升麻 五分

紫草茸 五分 研末

木通 七分

蘇葉 七分

連翹 五分 去心

牛蒡子 五分 炒研

白芷 七分

羌活 六分

查肉 八分

甘草 三分

生薑二片 同煎 熱服

歌曰 蘇解前羌白芷同 牛蒡蟬脫山查肉

荆防升葛紫翹功 甘桔木通及川芎

溫中益氣湯 痘影淡白者宜服 脈弱 面淡白 譫狂者亦可服

人參 五分

白朮 一錢

黃芪 八分
生用

防風 七分

當歸 七分
酒洗

白芍 八分

木香 三分

撫芎 七分

山查 七分

白芷 七分

官桂 三分

甘草 三分
炙

生薑二片。大棗一枚。同煎溫服。

歌曰 溫中益氣川參芪
白芷防芎查肉草

白朮歸身官桂宜
木香應與白芍隨

調元化毒湯 治痘一齊湧出而稠密或乾
枯紫黑或成片不分顆粒

黃芪 一錢
生用

歸身 八分
酒洗

牛蒡子 七分
炒研

人參 三分

木通 七分

白芍 七分
酒炒

連翹 七分
去心

黃芩 五分
酒炒

黃連 二分
酒炒

防風 七分

荊芥 七分

桔梗 六分

前胡 一錢

蟬脫 七隻

紅花 三分
酒洗

紫草茸 五分
酒洗

生地 一錢
酒洗

山查 一錢

甘草 三分

生薑三片同煎溫服。

歌曰 調元化毒參芪芍
歸地前通查肉翹

紅紫牛蟬荊芥著
芩連草桔防風合

加減參蘇飲 與前加味不
同治驚搐

蘇葉 一錢

人參 二分

陳皮 七分

羌活 六分

川芎 八分

荊芥 七分

桔梗 五分

白芷 六分

甘草 二分

防風 七分

夏月加香薷 三分

煎服。冬月蘇葉 五分

平和湯 治穢觸而
出不快

人參 三分

當歸 六分

桔梗 六分

白芍 五分

歌曰 驚搐休云作等閑
參蘇羌芷芍防芥

風寒外東出艱難
甘桔陳麻灸解顏

紫蘇 六分

官桂 三分

乳香 三分

歌曰

薑附湯

白附子

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

黃芪 一錢

沉香 三分

甘草 四分

歌曰

老生薑

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

公丁香

防風 七分

檀香 三分

生薑 一片

歌曰

老生薑

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

公丁香

白芷 七分

藿香 三分

生薑 一片

歌曰

老生薑

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

公丁香

黃芪 五分

沉香 三分

甘草 四分

歌曰

老生薑

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

公丁香

防風 七分

檀香 三分

生薑 一片

歌曰

老生薑

歌曰

清毒活血湯

紫草茸

木通

白芍

甘草

芪加麥冬

歌曰

參歸鹿茸湯

鹿茸

當歸身

酒濃煎藥汁

公丁香

瀉。膿漿難成。去當歸。加白朮。酒炒白芍。白茯苓。木香。丁香。肉桂。肉苳

寇。麵裹煨。搥去油。訶子肉。煨。如血不止。另用參朮散。兼七味荳蔻丸。

歌曰參歸鹿茸用三錢。薑引酒煎並龍眼。灸草黃芪貴嫩綿。管教服之得安然。

千金內托散治白陷灰陷等。與鹿茸湯同。

人參 五分

木香 三分

白芷 七分

生薑一片。龍眼肉三個。同煎。入好酒服。隨症加減。同參歸鹿茸湯。

歌曰千金內托十二味。木香甘草及撫芎。歸芍參芪防芷桂。厚朴山查亦同類。

參芪湯治痘粒通紅成。血泡而不成漿。

人參 一錢

生薑一片同煎。溫服。

歌曰血泡通紅不作漿。惟有參芪四味湯。管教服藥得安康。

參麥清補湯治毒火盛氣血虛弱煩渴咽。痛鼻血難任溫補用此催漿。

人參 五分

歸身 七分

生甘草 二分

大川芎 七分

生薑一片。龍眼肉三個。同煎。頻頻溫服。

當歸 一錢

白芍 五分

厚朴 七分

甘草 三分

生薑 五分

人參 五分

嫩黃芪 三錢

官桂 五分

甘草 一錢

麥冬 一錢

花柳 八分

嫩黃芪 三錢

酒炒白芍 五分

生地黃 一錢

山查 一錢

撫芎 七分

官桂 三分

甘草 三分

生薑 五分

人參 五分

嫩黃芪 二錢

甘草 一錢

麥冬 一錢

花柳 八分

嫩黃芪 三錢

酒炒白芍 五分

生地黃 一錢

山查 一錢

生薑 五分

人參 五分

山查 一錢

防風 七分

嫩黃芪 二錢

甘草 一錢

麥冬 一錢

花柳 八分

嫩黃芪 三錢

酒炒白芍 五分

生地黃 一錢

山查 一錢

生薑 五分

人參 五分

歸身 七分

大川芎 七分

生薑 五分

歌曰 參芪清補兩白芍 桔陳芎草紅花著
黃芪當歸並生地 花粉前蒟查肉合

梔連二陳湯 治熱吐

黃連 二分薑汁炒

白茯苓 七分

梔子 三分薑汁炒

半夏 一錢薑製

炙甘草 二分

陳皮 五分

生薑 一片同煎。緩緩服。吐止勿服。

歌曰 行漿作吐毒火侵 因倦參砂和胃散

茶草梔連合半陳 其間痘色要分明

加味四苓散 治熱瀉

豬苓 七分

木通 七分

澤瀉 八分

黃芩 五分酒炒

黃連 二分酒炒

赤苓 七分

牛蒡子 五分炒研

車前子 七分炒

燈心五十寸。同煎。食前服。

歌曰 行漿作瀉甚難當 小便紅黃毒氣多

加味四苓車通共 芩連牛瀉二苓當

參朮散 治虛寒瀉

白朮 一兩用裏白無油者去蘆炒

人參 五錢

砂仁 五錢

白苓 五錢

炙草 五錢

木香 二錢

陳皮 四錢去筋膜

肉豆蔻 四錢麵裹煨搗去油

山查 五錢炒

蓮肉 五錢去心炒

訶子肉 四錢煨去核

薏仁 五錢炒熟

眞神曲 五錢炒

共研爲細末。每用二錢。清米

飲調食前溫服。兒有不肯服者。稀粥內和服。亦可。

歌曰 參朮散用薏苡仁 蓮肉山查并麵陳

木香訶子肉荳蔻 砂仁炙草與茯苓

七味荳蔻丸 治虛瀉

肉荳蔻 五錢製同前

訶子肉 五錢煨去核

白龍骨 五錢煨

木香 五錢

赤石脂 七錢

枯白礬 七錢

砂仁 五錢

麵糊為丸。如菴荳大。每服二

十丸。或二十丸。用清米飲下。兒不能吞丸。研碎入粥內服之。亦可。

歸芪湯 治身涼而汗不止

歸身 三錢

黃芪 二錢 蜜炙

棗仁 一錢 五分 炒研

白水煎服。

歌曰 漿足身涼汗不止 惟有歸芪酸棗是

養胃開痰湯 治食少痰多

人參 一錢

白朮 一錢 五分

白苓 一錢

桔梗 五分

查肉 一錢

蓮肉 一錢 去心

山藥 一錢 炒

陳皮 八分 去白

半夏 五分 薑製

甘草 五分 炙

生薑一片。同煎溫服。渴去半夏加麥冬北

五味。嘔吐加藿香砂仁。

歌曰 養胃開痰參朮草 蓮肉陳皮半夏桔

茯苓山藥山查實 渴加麥冬五味好

建中湯 治寒戰咬牙收醫後寒 戰咬牙亦此方調治

人參 一錢

黃芪 三錢 蜜炙

乾薑 五分

肉桂 五分

白朮 一錢 五分

歸身 一錢

撫芎 八分

丁香 五分

附子 五分 製熟

甘草 二分 蜜炙

生薑一片。同煎溫服。

歌曰 咬牙寒戰建中湯 附桂乾薑同炙草

參朮黃芪歸身當 撫芎薑引用丁香

溫表調中湯 治元氣不足 當醫不醫

黃芪 一錢 五分 蜜炙

人參 一錢

炙草 三分

白苓 一錢

官桂 三分

白朮 一錢

撫芎 七分

防風 五分

白芷 五分

丁香 三分

歸身 七分

乾薑 五分

熟附子 三分

生薑 一片 同煎服。

歌曰 溫表調中參朮芪 扶苓灸草乾薑共

丁香附桂並當歸 白芷防風一處施

清表散毒湯 治毒氣未解 當醫不醫

地骨皮 一錢

麥冬 一分 去心

花粉 一錢 酒炒

牛蒡子 八分 炒

連翹 七分 去心

當歸 八分

猪苓 七分

澤瀉 七分

黃芩 七分 酒炒

甘草 三分

水煎溫服。

歌曰 清表散毒地骨冬 炒芩澤瀉猪苓共

牛蒡花粉草翹宗 當歸同煎真有功

消毒散血湯 治熱毒凝滯 瘀血作痛

牛蒡子 一錢 炒研

生白芍 六分 酒洗

桃仁 一錢 去皮 尖炒研

大黃 一錢 酒炒

乳香 五分 燈心同研

沒藥 三分

紅花 五分

水煎溫服。

歌曰 醫時腹痛著中脘 妙過桃仁熟大黃

消毒散血湯莫緩 紅花沒乳芍蒡繼

清毒保目湯

柴胡 一錢

連翹 七分 去心

梔仁 三分

黃芩 五分 酒炒

荆芥 一分

防風 七分

赤芍 七分

當歸 八分

川芎 七分

甘草 三分

升麻 五分

薄荷 五分

桔梗 八分

蠅脫 十二隻 去頭足洗淨

牛蒡子 七分 炒研

燈心五十寸 同煎溫服。

歌曰 清毒保目薄柴蠅 升麻牛子歸芍草

翹桔荆防赤芍綠 酒炒梔苓降火全

大連翹飲 治痘後 餘毒

連翹一錢 去心

牛蒡子七分 去心

梔仁五分 酒炒

柴胡八分

當歸八分

赤芍七分

防風七分

木通八分

荆芥七分

黃芩七分 酒炒

滑石五分 研

蟬脫七隻

車前子八分 炒

甘草三分

生薑二片同煎服。大便秘。加酒炒大黃微

利之。

歌曰 大連翹飲用梔芩
通生蟬脫歸車草

柴芩荆防赤芍勻
便秘大黃蓄意尋

補中益氣湯治痘後元氣虛弱

升麻四分

黃芪八分 炙

白朮八分 土炒

柴胡六分

陳皮七片

歸身八分

甘草三分 炙

生薑一片同煎溫服。虛渴者。

加麥冬北味。寒熱似瘧者加炒白芍製半夏。

歌曰 參芪歸朮
痘後虛弱

升柴陳草
服之最好

元參升麻湯治夾斑夾丹夾疹

元參一錢

升麻五分

防風七分

荆芥七分

牛蒡七分 炒研

甘草三分

水煎溫服。夾疹者加桔梗酒炒黃芩。

歌曰 夾丹夾疹與夾斑
元升甘草牛蒡茶

三症分明須細看
疹加苓桔一處攪

參芪實表湯治痘癢

人參五分

黃芪一錢五分 分蜜炙

甘草三分 蜜炙

官桂三分

防風七分

白芷七分

川芎七分

紫蘇七分

桔梗五分

木香三分

厚朴五分 薑汁炒

生薑一片同水煎溫服。

歌曰

參芪實表桂芍防
甘桔木香薑作引

白芷歸朴一齊嘗
氣虛作癢賴安康

參歸大補湯

治痘不起藥面目輕項腫脹以此湯
連服二三劑腫消痘起方有生機

人參

五分

當歸

八分

黃芪

一錢五分
分蜜炙

撫芎

七分

桔梗

五分

甘草

三分
蜜炙

查肉

八分

紫草茸

五分
研碎

木香

三分

防風

七分

白芷

七分

厚朴

六分薑
汁炒

生薑一片同煎溫服。

歌曰

參歸大補參黃芪
桔梗山查防厚朴

紫葳川芎白芷宜
木香甘草用休遲

四妙散

治痘
行毒

阿味

碗豆

亂髮

洗去
油垢

冰片

各半共研
極細末

猪蹄胭脂汁和成膏。以銀針挑破疔口。將藥填入疔內。即變紅活。

拔毒散

治痘疔賊痘
紫浮萍亦能

明雄黃不拘多少研極細末。漿泡水泡綿胭脂。取濃汁調點日三四

次。

三荳漿

數品
毒

黑荳

葶荳

赤小荳

各一合為細末。再用調時時以鵝翎

拭之。紅腫退去。其效如神。

生肌散

地骨皮

黃連

黃蘗

五倍子

共為細末。摻之。

綿繭散

治痘後餘毒腐爛久不生肌

用出蛾繭殼七個

燒灰

加明雄黃一錢

紫草茸一錢

珍珠二分

龍骨一錢五分

共研細末。撒患處。玉紅膏貼之。

髮灰散

治痘後血熱上冲鼻衄

用少壯無病人亂髮。先洗淨肥皂氣。候乾量髮多少。用新瓦罐將髮填滿。以潔淨瓦片蓋口。鹽和泥封之。晒乾。用炭火圍罐一半。煨一炷香久。取出候冷。其灰成塊。研令極細。每用二錢。童便七分。酒三分。調服立止。輕者用灰吹鼻。立止。

清肺湯

治鼻血

花粉一錢

麥冬一錢五分

天冬一錢

生白芍七分

桔梗六分

當歸一錢

黃芩七分

知母七分

丹皮七分

甘草三分

生薑一片。同煎服。入髮灰一錢調服。尤妙。

歌曰酒洗 毒氣熏蒸鼻血流

天麥丹皮母草芩當歸白芍花粉桔

清上飲

治口舌瘡

薄荷七分

防風七分

桔梗六分

連翹七分

粉葛一錢

牛蒡子七分

麥冬一錢五分

黃連三分

黃芩七分

花粉八分

甘草三分

生薑一片。同煎溫服。

歌曰口舌生瘡名熱毒

細察痘苗分所屬

芩蓮花葛桔翹逐

清上飲

薄荷防牛麥草

赴筵散治牙痛

薄荷葉三錢蘇州者佳

黃蘗五錢川中者佳

各等分。為細末。入青黛三分。和勻搽之。

利咽解毒湯治喉痛

山荳根五分

麥冬一錢五分去心

牛蒡子一錢炒研

元參一錢

桔梗一錢

防風七分

甘草五分

生薑一片。同煎服。

歌曰利咽解毒麥元參草桔防牛山荳根

玉鎖匙治喉痛

硼砂一錢

朴硝五分

殭蠶三條炒

片腦六分

共為細末以竹管吹之。

導赤散治小便赤澀

木通一錢

赤苓八分

車前子一錢微炒

麥冬一錢五分

生地一錢

人參三分

甘草三分

燈心五十寸同煎。饑時服。

清毒撥腎湯

黃連三分

當歸一錢酒洗

花粉七分酒蒸

桔梗七分

川芎七分

防風七分

薄荷七分

柴胡八分

牛蒡七分炒研

羌活五分

草決明七分研

菊花七分

密蒙花七分

白蒺藜七分炒去刺

穀精草七分

川木賊五分

大生地一錢五分酒洗

粉葛七分

梔仁五分炒

生薑一片同煎。食遠服。大便

秘。加酒炒。大黃。通即除之。

歌曰 清毒撥翳草連根
生地完防柴菊葛

牛賊蒙精決痰藜
川芎花粉薄當歸

加減清熱導滯湯 治痘後
痢疾

當歸 七分

白芍 五分

檳榔 五分

厚朴 五分 薑製

陳皮 八分

枳殼 五分 麩炒

連翹 三分

黃芩 二分 酒炒

黃連 二分 酒炒

山查 七分

廣木香 二分 研末

牛蒡子 三分 炒研

甘草 三分

熟大黃 七分

生薑三片同煎。赤痢加紅花桃仁地榆。白

痢加陳皮。去芩連。

補氣養胃和中湯 亦治痘
後痢

白朮 一錢

人參 三分

白苓 八分

陳皮 八分

砂仁 五分 研

扁豆 八分 炒研

木香 三分 研末

山藥 八分 炒

蓮肉 八分 去心

甘草 三分

煨薑二片。陳倉米二錢同煎。溫服。

宣毒透疹湯 治解
痘疹

粉葛 一錢

前胡 八分

荆芥 八分

防風 八分

連翹 六分

牛蒡 六分 炒研

枳殼 六分 炒

木通 七分

桔梗 七分

黃芩 七分 酒炒

薄荷 五分

甘草 四分

淡竹葉 三片

燈心五十寸為引。口爛加石膏一錢。

用藥炮製

黃芪毒火 生用。虛寒。蜜炙。

甘草。毒火盛。生用。虛寒。蜜炙。 白朮。陳東

壁土拌炒。 半夏。薑汁拌炒。

香附。去毛。

醋炒用。

蒼朮。米泔浸一宿。

切片炒乾。訶子。煨熟去核。肉苳蔻。麩裏煨熟。搥去油。紫草茸。研碎用。不研煎不化。砂仁。去殼研。白芍。大能斂血。歸經成漿。毒火盛。酒洗。虛寒。酒炒。厚朴。去粗皮。薑汁炒。黑附子。大者切作四片。用童便。入甘草三錢。水三碗。煮兩個時辰。取出。埋於土內一晝夜。收貯聽用。麥芽炒。神麩炒。乾薑炒黑。除寒生用。牛蒡子。炒香研。人參。去蘆。連翹。去心。黃蘗。酒炒。黃芩。酒炒。孕婦出痘。用條芩。梔仁。酒炒。黃連。酒炒。花粉。酒拌蒸。麥冬天冬。俱去心。蟬脫。去頭足。滑石。燈細。石膏。火煨。木通。去皮。當歸。酒洗。山查。去核。大黃。酒蒸三五次。晒三五次。黑如墨者佳。枳殼。麸炒。穿山甲。用前足甲。土炒焦研末。皂刺。取尖。車前子。微炒。白龍骨。火煨。丁香。切碎。赤石脂。火煨七次。五味子。搥碎。酸棗仁。炒熟。山藥炒。蓮肉。去心。白礬。炒枯。生薑。作引。和胃嘔吐。煨用。紅花。酒洗。

皂刺尖穿山甲

皂刺用尖。穿山甲用前足甲片。聶氏清毒活血湯。千金內托散。無此二藥。予治壞症。漿不得成。用此攻爛。令其膿水淋漓。亦可起死回生。此不得已而後用之。非宜用之藥也。

犀角

犀角。疹門用之。痘症斷不可用。自朱丹溪立犀角地黃湯。彼盲而無知者。不論氣血虛實。寒熱。概以施治。此倡彼和。若謂不如是。不可以治痘。且望

參芪如砒鴆。不知用參芪者。氣血虛也。倘氣血強盛者。會用之否乎。用桂附者。氣血虛寒也。倘毒火內盛者。會用之否乎。夫痘症始賴毒火以見苗。繼藉毒火以出齊。中資毒火以長漿。若始焉解毒。則苗必冰伏而不出。繼焉解毒。則痘必冰伏而不能齊。中焉解毒。則冰伏毒火。必不能成漿結痂。聶氏清毒活血湯之妙。全在參芪歸地。引酒炒芩連。入氣血兩途。運化毒火而成漿。非若犀角之專於寒涼也。

桑蟲

桑蟲吸桑之津液。順症行漿之時。以二三条入瓷鍾內研爛。加熱酒三五匙調服。果然有驗。若遇險逆之症。單用亦不見效。京都桑蟲難得。買者惟向劈柴局內尋覓。不知柴局凡得白蟲。以鋸屑養之。及有人買反以居養。不惟無益。適以滋害。而賣者且得重財。不顧氣血。此開一趣錢法門耳。附識於此。以告同志。

地龍

地龍卽蚯蚓。會見有乞丐兒女出痘。長漿之時。挖紅色小蚯蚓三五條。以瓦罐入清水二鍾。煎一鍾。陸續飲之。次日亦如前法。後竟足漿。及有險症亦無效驗。

痘疹避忌

- 腋下狐臭氣
- 房中淫液氣
- 行遠勞汗氣
- 溝糞穢濁氣
- 婦女經候氣
- 諸瘡腥臭氣
- 砒硫蚊烟氣
- 誤燒頭髮氣

吹滅燈燭氣

柴烟魚骨氣

葱蒜韭薤氣

煎炒油烟氣

醉酒葷腥氣

麝香騷穢氣

生人往來

晉罵呼怒

對梳頭

對搔癢


勿掃地

勿對荒言

勿使僧道師巫入房

勿對飲酒歌樂

以上諸避忌。謹之。則重可變輕。不謹則輕變重矣。



刪訂痘疹定論卷四

新建朱玉堂手著

祁陽王藻亭刪訂

治疹總論

痘瘡如荳。疹症如麻。皆象其形而名之也。昔人皆曰胎毒。不知有命門。予於痘科中。言之詳矣。正疹出時。熱毒之氣。上蒸於肺。故肺家見症獨多。發熱之初。咳嗽。噴嚏。鼻流清涕。眼胞腫。眼淚汪溢。面腫。腮赤。是也。身有微汗。滋滋潤潤。氣不甚粗。身不焦熱。則疹出必輕。若氣喘。鼻乾。作嘔。驚搐。狂躁。無汗者。最重。

凡疹見標時。兩耳根下。頸項連耳之處。以及背脊至腰間。必有三五紅點。宜用宣毒發表湯。加羌萎托之出外。卽有吐瀉。不必調治。蓋熱蒸胃則吐。熱衝大腸則瀉。昔人謂疹出六腑。或因有此症而云然也。

凡疹症見標如芥。如米尖。稀疏磊落。漸成片段。紅色滋潤者順。神清氣爽者更順。若一齊湧出。不分顆粒。紫色者險。黑色者逆。惟先發其毒盡出於外。雖紅腫如漆瘡。亦不足慮。以其發於外。卽可免毒內攻。調治得法。百不失一。若調治失宜。殺人亦如反掌。可不慎哉。

初發熱時。必當發表。見標之後。卽宜清涼。最忌溫補酸斂之劑。

有一種疹初出。眼白赤色。聲啞。唇腫。鼻乾。或鼻掀。氣喘。口渴。腰疼。腹脹。人事昏沉。口鼻出血。煩亂狂叫。二便出血。此毒氣鬱遏於內。名曰閉症。最爲

難治。用宣毒發表湯。加酒炒黃芩麻黃。若能托疹漸次出現。或可望生。倘不出現。則無望矣。凡疹症鼻出血者。毒重。口出血者。毒尤重。二便出血者。危矣。初起手足心如火熱者。毒重。初起脚冷如冰者。毒更重。若初時失於清解。以致毒蘊於胃。口鼻出氣腥臭。必生牙疳。宜用化毒清表湯。加石膏。若已出透。速收速散。身熱不退。餘毒流入大腸。則成痢症。裏急後重。紅白相兼。宜用清熱導滯湯。

若其人素稟虛弱。當出疹之際。過於發散。出透之後。過用寒涼解毒。以致虛弱之極。骨瘦神疲。面無神色。食多即吐。即用參砂和胃散。去半夏加麥冬以補之。

疹之出也。出三日而始盡。每日出二次。子時出者。巳時散。午時出者。亥時散。經三日而出六次。出透稠密無縫。方爲吉兆。昔人云痘喜稀疏。疹宜稠密。良有以也。

凡出疹發熱三日。見標者爲順。五六日不見標者爲逆。神氣清爽者爲順。昏沉者爲逆。病家知禁忌者。逆可變順。不知禁忌者。順亦變逆。業幼科者。當與出疹之家明言之。亦可以見仁人君子救人之心。防患於未然也。

予每看疹。驗症相時。觀察形色。然後參之以脈。始用宣毒發表湯表之。繼以化毒清表湯清之。總以此二方加減。逐日變通。未透則前葛荆防。爲必用之藥。氣喘除升麻。便秘加大黃。疹色乾焦。生地當歸要用。若還紫黑。紅花紫草宜添。咳嗽氣急。清肺飲。口瘡喉痛。清毒散。成方在此。活法由人。

初起發熱。未見外症。或連熱三四日。似現疹標。不見煩躁。此非正疹。乃風熱客於脾肺所致。用荆防發表湯。如身不熱。不必用藥。

四方疹名不同

京師呼爲溫疹。河南呼爲籽瘡。山陝呼爲糖瘡。山左呼爲疹子。浙江呼爲痧疹。湖廣江西呼爲痲。福建與兩廣雲貴四川俱呼爲疹子。其實皆正疹也。調治之法俱同。避忌之說無二。粹音

出疹之家四忌

一疹初出。以至出透之日。俱忌葷腥。卽素菜亦忌煎炒。恐葷腥煎炒。能動胃火也。

一疹初出。以至出透之日。未免煩躁口渴。想飲冷水。每次少與些須。不可多飲。若土產有荸薺。秋梨。並柿餅有霜者。不妨間與食之。切忌羔餅麵食。福元蜜餞之類。食之恐助胃火。倘或餓極。煮粥用冷水和勻。溫服。

一出疹之時。宜謹避風寒。若不避忌。風寒外束。疹卽收回。要其再出。甚爲難矣。慎之慎之。

一兒女出疹之時。宜內外潔淨。勿使穢污氣息。觸犯出疹男女。

看疹醫家三忌

一疹初出之時。雖有身熱煩躁口渴等症。正用宣毒發表湯。少加酒炒黃芩以清之。切不可遽投黃連。黃蘗。梔仁等大寒之藥。恐水伏其毒。而疹不得外出。後雖設法宣表。終難透發也。

一疹初出時。或有嘔吐之症。切勿用蒼朴丁香砂仁暖胃。或手足稍冷。切勿用桂枝肉桂溫經。蓋嘔吐者。火熱蒸於胃也。若投以辛溫。是抱薪而救火矣。至於手足稍冷。熱極似寒之象。俟疹出透而自溫和。誤用溫經回陽。害人不少。

一疹初出時。有瀉不止者。其毒火亦因瀉而減。此殊無妨。倘泄瀉過甚。用加味四苓散。一服立愈。若用參朮訶蔻。以圖速愈。疹必變症。重則腹脹喘滿。輕則變為休息痢。可不慎乎。至疹後瀉黃紅色。乃內有伏熱。仍宜用加味四苓散。亦不可用補經之劑。

豫為防避

近鄰家有出痘與疹者。出得氣候清正。又有明醫調理。聽其自出。若氣候不正。急宜遷避兩三月。多有避之而不出者。若痘可種。用老成明醫。揀好痂乘時種之。疹雖無痂可種。總以氣候清正為足恃。否則避之為吉。

治疹諸方列後。分兩準半歲孩童。看大小加減。

宣毒發表湯 初發熱欲出未出時用

升麻 五分

粉葛 八分

防風 六分

桔梗 六分

薄荷 三分

前胡 一錢

連翹 六分

枳殼 五分

荆芥 六分

木通 七分

牛蒡子 七分

甘草 三分

淡竹葉 一錢。同煎服。夏月加酒炒黃芩。冬月加麻黃。

歌曰 宣毒發表升葛前木通竹葉翹甘草

荆防枳桔薄荷牛蒡寒熱麻芩著意添

化毒清表湯 治疹已出紅腫太甚

前胡 七分
葛根 七分
知母 七分

元參 一錢
桔梗 七分
黃連 三分

薄荷 五分
梔仁 七分
木通 七分

牛蒡子 七分
花粉 八分
甘草 三分

淡竹葉一錢。燈心五十寸。同煎。以犀角磨水配服。渴加麥冬熟石膏。

大便秘。加酒炒大黃。
花骨翅連草桔枋
渴秘加膏及大黃

歌曰 化毒清表葛參蒡
梔芩通母前荷共

清熱導滯湯 治疹後痢疾

黃連 五分
黃芩 七分
白芍 七分

青皮 三分
山查 一錢
檳榔 五分

當歸 一錢
陳皮 七分
連翹 八分

牛蒡子 八分
淡竹葉一錢。燈心五十寸。同煎。磨生犀角汁配服。紅多

加紅花地榆桃仁。裏急後重。加酒炒大黃。
芩連查草青皮殼
後重蒸黃須急著

清肺飲 治疹後咳嗽氣粗

桑白皮 五分
地骨皮 五分
元參 八分

柴胡 七分
麥冬 一錢五分
陳皮 三分

石膏 八分
花粉 八分
生地 一錢

桔梗 七分
黃芩 七分
木通 七分
厚朴 七分
枳殼 七分
薑製
甘草 三分

甘草 三分

燈心竹葉同煎。磨羚羊角汁配服。肺熱極去陳皮。加連

翹牛蒡。

歌曰 疹後咳嗽用清肺
甘桔元參花粉芩

麥冬地骨桑皮是
柴陳生地通膏治

清毒散

治疹後口臭口
瘡唇咽痛

生地 一錢

丹皮 七分

柴胡 七分

桔梗 八分

薄荷 五分

連翹 八分

黃蘗 五分

花粉 八分

黃芩 七分

元參 八分

赤芍 五分

甘草 三分

銀花 八分

牛蒡子 八分

煨石膏一錢。淡竹葉五片。同煎。磨犀角汁

配服。

歌曰 疹後口瘡喉作痛
銀花甘桔粉丹皮

柴參芩柏翹牛用
赤芍薄荷生地共

解毒快班湯 疹現一
二日用

連翹 七分

荆芥 七分

防風 七分

生地 八分

黃芩 六分

蟬脫 七隻

桔梗 七分

川芎 四分

粉葛 一錢

山查 八分

歸尾 七分

牛蒡子 七分

紫草茸 六分

甘草 三分

加西河柳同煎。磨犀角汁配服。更好。

歌曰 解毒快班疹現形
翹芩生地查歸尾

葛根紫草桔蟬芩
荆芥防風亦有名

清肺飲

治疹出四五日亥
咳氣相外熱不退

石膏 一錢

生地 一錢

柴胡 一錢

麥冬 二錢

元參 一錢

桔梗 七分

陳皮 六分

殭蠶 五條

黃芩 七分

歸尾 七分

知母 七分

甘草 三分

引加淡竹葉七片。燈心五十寸。

歌曰 清肺飲用石膏知
甘草柴胡陳皮共
生地黃芩麥桔施
殭蠶元參用當歸

調元健脾保肺湯 治疹後面色青
白唇淡氣弱

白芍 八分

人參 三分

黃芪 七分

丹皮 五分

白芍 七分

沙參 一錢

陳皮 七分

歸身 六分

百合 一錢

薏仁 二錢

麥冬 一錢

甘草 三分

蓮肉七個同煎。溫服。大便不實。加木香白朮。泄瀉加訶子肉。瀉色黃

臭。加酒炒黃芩。

清胃敗毒散 治疹後口瘡
牙疳等症

殭蠶 五條

丹皮 七分

生地 一錢五分

桑皮 一錢

沙參 一錢

白芍 一錢

銀花 二錢

黃蘗 七分

連翹 七分

甘草 三分

體虛加白朮。薑引水煎溫服。

救苦散 治口瘡
牙疳

人中白 五錢

寒水石 三錢

青黛 五分

白殭蠶 二錢

黃蘗 一錢

冰片 五分

真牛黃 三分

各為細末。和勻。以苦茶拭淨

一聖散 治出疹咽喉腫痛不論
初起收後皆可吹之

苦參 三錢

殭蠶 二錢

共為細末。吹入兩三次即愈。

犀角解毒化痰清火丸 治疹後咳嗽氣喘唇焦鼻血結熱煩躁

犀角 鎊一兩 歸尾 八錢 牛蒡子 五錢 牡丹皮 一兩

連翹 一兩 去心 赤芍 六錢 川貝母 一兩 去心 生地黃 二兩

紫草茸 一兩 花粉 一兩 薄荷 一兩 甘草梢 一兩

黃連 三錢 各為極細末。煉蜜成丸。如彈子大。每服一丸。淡竹葉湯

化下。

健脾肥兒丸 治疹後體氣瘦弱泄瀉將成疳疾

人參 五錢 黃芪 一兩 蜜炙 神麩 二兩 炒 查肉 二兩

麥芽 二兩 炒 黃連 三錢 酒炒 白朮 一兩 米泔浸一宿切片土炒

白芍 五錢 酒炒 陳皮 五錢 歸身 八錢 山藥 一兩 炒

地骨皮 六兩 炒 白苓 一兩 炒 百合 八錢 甘草 五錢

為末。煉蜜成丸。如彈子大。每服一丸。米飲化下。或以白沙糖和勻。調

服亦可。

天真膏 治疹後咳嗽不止心神不寧夜臥不安

生地 四兩 酒洗 麥冬 四兩 去心 白苓 二兩 去皮 元參 四兩 去蘆

知母 三兩 炒 棗仁 二兩 炒 沙參 四兩 茯神 二兩 去心

黃芪 四兩 蜜炙 歸身 二兩 酒洗 丹皮 二兩 去骨 薏仁 四兩 炒

紫苑 二兩 酒洗 橘紅 二兩 白朮 四兩 土炒 桑白皮 二兩 去粗皮蜜炙

各味按法製過。入砂鍋內。酌入長流水。隨乾隨添。用桑柴火煮。兩個

時辰去渣澄清用蜂蜜和成膏盛瓷器內每服三五匙滾白水調服

荆防發表散 治脾肺風熱燥疹 痧疹風疹等類

荆芥 五分 用德

桔梗 三分

當歸 五分

甘草 三分

小便黃加木通

孟介石施藥治疹方 凡遇疹症不拘四時皆可煎服 經驗有年等分藥味萬勿增損

石膏 二兩 煨

乾葛 一兩

歸尾 一兩

桑皮 一兩

加減清毒撥翳湯 治疹後眼赤皮爛或生目翳

生地 一錢 酒洗

柴胡 八分

連翹 七分 去心

牛蒡子 七分 炒研

加味逍遙散 治病後瘦弱感時氣出疹或疹出白色少紅活者宜此方

白朮 八分 製

防風 五分

枳殼 五分 炒

陳皮 三分

熱甚去陳皮加牛蒡子連翹夏加酒炒黃芩冬加麻黃

葛根 八分

紅花 三錢

川貝母 四錢 去心

牛蒡子 五錢 炒研

枳殼 六錢

甘草 四錢

歸尾 八分

甘菊 七分

紅花 五分

甘草 三分

水煎空心服

白芍 七分 炒

薄荷 五分

蘇葉 五分

杏仁 七分

桔梗 八錢

地骨皮 八錢

薄荷 五錢

甘草 四錢

歸尾 八分

木賊 五分

草決明 一錢 研

川芎 六分

黃芩 七分 酒炒

白蒺藜 一錢 炒研

赤芍 五錢

陳皮 五錢

荆芥 八錢 用德

白芍 八分

白芩 八分

共為細末每服三錢滾水調服

歸身 一錢

丹皮 七分

陳皮 五分

柴胡 八分

麥冬 八分

甘草 三分

粉葛 八分

水煎服。

去心

凡疹標已現。不能依期出透。或因冬月嚴寒。風寒外束。急以砂鍋。注潔淨清水。炭火熬滾。著芫荽連根四五兩。再煮數沸。送入房內。取微微香氣。能助發易現。切忌洗浴。凡痘疹見形。即不宜水洗。慎之慎之。西河柳。又名觀音柳。乃疹紅聖藥。冬用枝梗。春夏秋用葉。每用二錢煎湯服之。疹即出現。年長者多服二次。

芫荽連根葉搗爛。約三四錢。入碗內。用滾水滾酒。各半杯。泡少頃服之。疹出最快。若無苗葉。用子研服。

凡疹後面色青白。體瘦神疲。或倦怠愛睡。一切虛弱等症。用前健脾肥兒丸。或八珍湯。補中益氣等藥。切勿誤投疎風清熱之劑。

附刻聶氏痘症或問六條

或問曰。事貴豫防。醫治未病。古人立豫解痘毒之方。或解之於平時。或解之於臨時。其方向何啻數百。子何以知痘毒不可豫解。而不載一方也。曰。以其理知之。又驗其事而知之也。蓋痘毒稟受於胚胎。潛伏無形。或數年而後發。或十數年而後發。或數十年而後發。當其未發時。聲臭俱泯。於何而解之。彼無聲臭之毒。又豈有形質氣味之藥。所能解散。且用藥攻病。猶用兵誅寇。故必執兵持竿。然後可以寇誅之。若不執兵持竿。誰則識其爲寇者。今豫解痘毒於聲臭俱泯之時。得無類是乎。此以理知其不能解也。予

婦產男女十人。前六人多用豫解痘毒之方。而出痘反有極多者。後四人未嘗豫解。而出痘極少。此可驗痘毒輕重。定於稟受之初。而不能豫解也。然服解毒藥於平時。雖無益。猶無害也。至於臨時解毒。則反有害者矣。每見富貴之家。珍愛其子。一聞鄰家出痘。則多服解毒之藥。以致損兒胃氣者有之。或兒已發熱。痘將出而服解毒藥。鬱遏其毒氣者有之。犯此二者。所謂無益而又害之者也。以是知解之於臨時者。尤不可也。

或問曰。子立論折諸家之衷。若劉河間。錢仲陽。張潔古。王海藏。陳文中。皆古名醫。子議其失。而朱丹溪。尤集醫道之大成。子亦謂其未盡痘家之妙。何也。曰。丹溪之醫訓緒矣。子謂其足以盡醫家之妙乎。又足以盡痘家之妙乎。夫醫之爲道。廣大精微。自古名醫。雖各有精妙。然亦多有訛謬。如王叔和著脈訣。謂三焦無狀。空有名。寄在胸中。膈相應。夫三焦者。右腎命門之腑也。男以藏精。女以繫胞。若其無形狀。何以藏繫。若其寄在胸膈。何以爲右腎命門之腑。而脈絡獨屬之。右尺也。此其說大謬矣。夫叔和擅千古之名。而錯論藏腑。大失古人之意。有如此者。後人宗其說。習焉不察。至宋張季明著醫說。始闢其謬。其言確而有據。然世竟宗叔和。而莫知有季明。如此之類。何可枚舉。若劉河間等之治痘。專用寒涼解毒。則宗內經諸瘡瘍屬心火之一言。而失其意者也。蓋內經此言。爲諸瘡發。非爲痘瘡發也。河間輩以論諸瘡之言治痘瘡。此何異行車於水。而推舟於陸也。丹溪宗劉錢而不能正其謬。何以能盡痘家之妙乎。

或問曰。古人治痘。一以解毒為主。至丹溪揭解毒和中安表六字。論者以爲精當之極。大略謂痘未出而能解毒。可以使痘出稀少。痘既出而能解毒。則可以免潰爛發癰發疔入眼等患。此豈不深有至理。而子獨極言解毒之害。諄諄以妄解毒爲戒。其說不亦過高而駭衆乎。曰。此痘家第一要訣。古今高明之士。皆迷而不悟。丹溪揭解毒二字於和中安表之上。後人執而用之。多致誤事。以丹溪之明。而見不及此。况其下焉者乎。蓋痘毒伏於五臟。一旦觸動而勃發。其勇悍猛烈之勢。斷不可禦遏。又何可解散。智者惟順其勢。以導之出外而已。若當欲出未出時。而遽投以解毒藥。則拂逆其勢。豈惟不能解散。而適以逼之內攻。宜其禍不旋踵也。故多有痘纔見數點。而兒卽斃者。則亦慘矣。近世出痘。罹此禍者甚多。然病家與醫家。終不悟其失。且曰。此痘最惡。吾先爲解毒。猶不能救。况不解毒乎。噫。迷亦甚矣。使其不遽用解毒藥。以逼毒內攻。何遽至於斃。縱其痘出或稠密。或紅紫。或乾枯。猶可從容調治。孰與未見痘而速死之慘乎。是以痘未出之前。除升發微汗一劑外。凡攻裏清表寒涼解毒之劑。當一切禁之。如砒鴆。勿令入口可也。古人謂不可汗下。亦是此理。丹溪亦戒妄汗妄下。然又教人用犀角地黃湯之類。是徒知汗下之害。而不知多用清涼。如犀角生地之類。亦能遏毒內攻而致害也。惟人參敗毒散能宣發毒氣出外。猶無害耳。若胡氏輩。幸其謬見。謂非汗則表熱不解。非下則裏熱不解。汗下以解表裏。則痘出稀而必無逆症。而後之愚儒。若管攝輩。又爲附會其說。世人

尤而效之。以致兒童之罹此而夭折者。不可勝計。予欲救其失。安得不詳辨以破其迷也。至於痘既出之後。則有不必解毒者。有不可解毒者。有不可專解毒而必兼補養者。不必解毒。與不可解毒。前說辨之詳矣。若其痘出稠密紫暗乾枯。而不發。不灌膿者。此毒氣盛。而血氣弱也。或先用清涼之劑。解散其毒氣。而隨以補血氣藥。助其行漿。或於解毒藥中。兼活血養氣可也。此所謂不可端解毒。而必兼補養者也。丹溪所謂解毒和中安表者。惟用之於此。爲適當乎。若痘出湧盛。稠密紅紫凸綻而潤澤。口渴喜飲。善飢喜食。煩躁不安。大便久秘。小便赤澀。此則可以專用清涼解毒。不必復兼補養者也。大略既出以後。未收以前。可以專解毒者。惟此一症。以其血氣與毒氣俱盛耳。然兒童出痘多者。真氣發洩。血氣難支。多致虛弱。恐氣血毒氣俱盛者。百中一二耳。專於解毒者。錯謬不亦多乎。惟收結後。覺有餘毒。則急宜解散。緩則恐發癰患眼也。

或問曰。昔人治痘。先辨生死。其症逆而必死者。或作爲歌訣。或著爲圖說。戒人不必施治。若妄治則反招怨尤。子獨不分順逆。一槩爲之立方設法。何也。曰。彼以醫之心立法。而吾以父母之心立法也。世之出痘者。孰非人子乎。父母之於子。忍度其必死。而不爲之救治乎。况病症雖有順逆。而治法豈無工拙。彼前人思之未精。治之未盡其妙。多以可治之症。認爲必不可治。此非仁人之心也。予甚惡其說。是以必矯其失。然非徒以空言矯之也。每於前人所指爲必不可治之症。十嘗活其五六。又未嘗不咎前人之

疎於立法。而輕於立言也。是以不忍不爲之。死裏求生也。其或有求其生而不得。吾未如之何者。然後於好生之心無忝矣。

或問曰。古人立方。用大靈丹。無比散。小無比散。獨聖散。大成散。人牙散。返靈丹。龍虎丹之類。皆相傳以爲治痘妙方。而子俱不取用。何也。曰。痘瘡一以氣血爲主。其順者。氣血能勝毒氣者也。其險而不順者。皆氣血不能勝毒氣者也。治痘者當視氣血強弱以解毒氣。乃爲穩當。以上諸方。皆用金石腦麝等。猛悍之藥。以劫散毒氣。而損傷元氣。殆甚。用之於元氣厚者。或可以偶中而獲效。用之於元氣弱者。一不中而萬有餘敗矣。前人傳用其方。蓋計其效而不計其敗者也。予所以不取用者。恐未得其效。而反受其敗也。惟熱毒入心經。而狂躁不知人事者。猪尾膏可偶用之。而虛弱者。仍忌用也。今錄其方。

冰片一分五釐。刺猪尾血一錢。同研。溫酒調下。

或問曰。子之著論立方。自以爲得之透悟。前無古人。後無今人矣。不知依子之術者。亦能如子之妙應否乎。曰。此則難言之也。予惟殫精竭智。善通古人之意。而妙用吾心之神。故每能轉禍爲福。起死爲生也。後有能通吾意者。其神妙出吾之右可也。若不能然。則未可必也。何者。得心應手之妙。不可以形之於言。而筆之於書也。予蓋久精此術。而不輕於著書。亦爲其有不可以言傳者耳。近觀世人治痘之迷謬。而兒童多遭夭折之禍。故亟爲是編正之。雖未能授意傳神。而亦可以醒迷救禍也。